


K 160

ମନ୍ଦିର ପ୍ରକାଶପତ୍ର

ଶ୍ରୀ ହିନ୍ଦୁତଳାଳ
ପାତ୍ରଚାର୍ଯ୍ୟକର୍ତ୍ତା
ଲଙ୍ଘା-ଲଙ୍ଘାଚାର୍ଯ୍ୟ

ସାହଚରଣା · ରଜାନାନ୍ଦନ
ପାତ୍ରଚାର୍ଯ୍ୟ
1947

РУБРИКА
Возратите книгу во времја



894.631

453,

899.9624

13130 60601106

მოგზაურობა რაჭე-ლიანები

~~1K 160~~



„საბჭოთა მწერალი“

19 თბილისი 47

თბილისი ბრძოლის მუზეუმი

აკაკი წერეთელი საქართველოს სხვადასხვა კუთხის ხშირი სტუმარი იყო. მას ყველგან უსაზღვრო პატივისცემითა და სიყვარულით ხვდებოდა ხალხი.

1912 წლის ზაფხულში აკაკიმ რაჭა-ლეჩებუმში იმოგზაურა.

მგოსანს თანამგზავრებად ახლდნენ: მწიგნობარი სოსიკო მერკვილაძე, მოგზაურობის მომწყობი კომიტეტის თავმჯდომარე მუშა იობა ისაკაძე, მომვლელი კოტე აბდუშელიშვილი, ძმისწული ვასილ წერეთელი; ქუთაისიდან—მასწავლებლები: ვასილ პეტრიაშვილი, სამსონ დათეშიძე, იაკობ ვარაზაშვილი, გაზეთ „კოლხიდის“ რედაქტორი მიხეილ ჯაფარიძე, კორესპონდენტი ლადო ბზვანელი, კინოპერატორი ვასო ამაშუკელი და ფოტოგრაფი კოტე ქავთარაძე.

შეხვედრა უდიდეს ეროვნულ დემონსტრაციად გადაიქცა. ეს ზეიმი ფართოდ გვაცნობს აკაკის

შემოქმედების სიღიადეს და, რაც საგულისხმოა, თვი ნათლად ადასტურებს ამ კუთხის ხალხის უებრო სტუმართმოყვარეობასა და კულტურის მაღალ დონეს.

ყველანი—ქალი და კაცი, მოხუცი და ახალგაზრდა ერთნაირად აღტაცებული იყვნენ და ცდილობდნენ მოზღვავებული გრძნობა ყოველმხრივ გამოეხატათ.

აკაკისადმი მიძღვნილი სიტყვები (პროზად და ლექსად) გარეშე მაყურებლებზე ისეთ შთაბეჭდილებას ახდენდა, რომელს ეს მხარე დასახლებულია მხოლოდ პოეტებით, მხატვრული სიტყვის ოსტატებით და შეჯიბრება არის გამართულიო.

ეს აზრი კერძო საუბარში კიდეც გამოსთქვა დიდმა მგოსანმა.

აქ წარმოთქმულ სიტყვათა უმრავლესობა ნაციონალ-რევოლუციურ ხასიათს ატარებდა, გამოხატავდა პროტესტს მეფის მთავრობის პოლიტიკისადმი მცირე ერების მიმართ, აწმყოსაგან შექმნილ უკმაყოფილებისა და ნეტარი მომავლისაკენ მისწრაფებას.

ქუთაისსა და რაჭა-ლეჩხუმის ძირითადს დაბეჭში შექმნილი იყო კომისიები, რომლებმაც იცოდ-

წენ აკაკისთან შეხვედრის დრო და იმ დღეებისა-
თვის ემზადებოდნენ.

ქუთაისის კომისიაშ გადასწყვიტა მოგზაურობა
ეკრანზე გადაღებულიყო. ამ მიზნით პედაგოგებმა
სამსონ დათეშიძემ და ლალო ბზვანელმა მიმართეს
ქალაქის ე. წ. კინო „რადიუმის“ მეპატრონნებს
ტიხონ ასათიანსა და პავლე მეფისაშვილს.

აკაკის გაჭყვა კინოპერატორი ვასო ამაშუკე-
ლი, რომელმაც დავალება ენთუზიაზმით შეა-
რცლა.

გამგზაერების წინ თბილისში (ვერის „ედემის“
ბალში) რაჭველმა მუშებჲა და მშრომელმა ინტე-
ლიგენციამ, რომელთა თაოსნობით მოეწყო ეს
მოგზაურობა, დიდი ბანქეტი გაუმართეს მგო-
სანს.

მუშა იობა ისაკაძემ აკაკის მიმართა სიტყვით
და საჩუქრად გადასცა ოქროს კალამი.

„მთელი თბილისის რაჭველები,—სთქვა მან,—
საერთო აღტაცებით მოგიძლვნით უგულითადეს
სალამს და ღმერთსა ვსთხოვ დიდხანს გაგრძელე-
ბულიყოს თქვენი ბეღნიერი სიცოცხლე და ბასრი
კალმის მუშაობა საქართველოს კეთილდღეობისა
და ზნეობის ასამაღლებლად. პატივისცემის ნიშნად

მოგართმევთ ოქროს კალამს. დღეს უაღრეს ბედნიერი დ ვრაცხთ ჩვენს თავს, რომ აღასრულეთ ჩვენი სურვილი და ინებეთ ჩვენი მოძმების ნახვა.

გარწმუნებთ, რომ, როგორც ჩვენ—იქაურები, გაცილების დროს აღტაცებულა ვართ, ისე ქუთა-ისში მყოფი ჩვენი თანამოძმენი, რაჭა-ლეჩესუმის ყოველი მცხოვრები მიგელიან და შეპნატრიან თქვენთან შეხვედრის უამს, რათა თქვენს ვაბად-რულ და მაღლიან სახეს ერთი წამით მაინც გადა-აყლონ თვალი თავიანთ სიცოცხლეში.

ღმერთსა ვსთხოვ კეთილად გემგზავროთ და კმაყოფილი დაბრუნებულიყოთ თქვენი საყვარელი სამშობლოს ამ კუთხიდან!..

პოეტმა მაღლობა შესწირა და სთქვა: „ჩემი სიმპატია მუდამ მიპყრობილი იყო იმ კუთხისაკენ, რომლის წარმომადგენლებსაც დღეს აქ ვხედავ. იგი თავისი საარაკო შრომითა და გარჯით საუ-ცხოო მაგალითს აძლევს საქართველოს დანარჩენ კუთხეებს. ეს ძვირფასი კალამი, რომელიც ძღვნად მომიტანეთ, ამტკიცებს ჩემდამი თქვენს სიყვა-რულს, მაგრამ ეს მარტო მე არ მეკუთვნის. ეს იმისიცაა, ვინაც ჩემ შემდეგ განაგრძობს ქვეყნის სამსახურს“...

აკაკის გული აუჩუყდა, აცრემლდა. შემდეგ განაგრძო: „ეს ნიშანია იმისა, რომ კვლავ ავიღოდა ვიხმარო, მაგრამ მე ვეღარ დავწერ მას, რისი შექმნაც მსურდა. დაე, სხვებშია შეასრულონ ეს!..“

ვასილ კერესელიძემ სთქვა: „შოთა გვასწავლის „სჯობს სახელისა მოხვეჭა ყოველსა მოსახვეჭელსა“. ეს ანდერძი აღასრულა სულმნათმა მგოსანმა აკაკიზ, რომლის წინაშე შევკრებილვართ საჭართველოს ერთი კუთხის შვილები, დიდი კახაბერის სამშობლოს წარმომადგენლები. თქვენმა ღვთიურმა ნიჭიმა მოიხადა საკაცობრიო მოვალეობა. ამისათვის თაყვანსა გცემენ თქვენი ერის შვილები, სიკვდილამდე შეინახავენ გულში თქვენს ხსოვნას და საშვილისშტოლოდ ვაღასცემენ შთამომავლობას.

ნება მიბოძეთ, თქვენ მიერ შექმნილი ლექსი, რომლითაც აღიდეთ ჩვენი სათაყვანებელი მგოსანი შოთა რუსთაველი, თქვენვე მოგიძლვნათ:

სულმნათო! მადლი შენს გამჩენს,
დიდება ერსა, შენს პშობელს
და ძეგლად სამარადისოდ
ნეტარხსენება ამ სოფელს!..

სახალხო მეჯლისზე მრავალი სიტყვა წარმო-
ითქვა.

„აქ სხვათა შორის,—ბრძანა მგოსანმა,—გაიხ-
სენეს ჩემი სტრიქონები: „არ მომკვდარა მხოლოდ
სძინავს და ისევე გაიღვიძებს.“ ეს მე ორმოცი
წლის წინათ ვსთქვი, როცა ასეთი რამ საფრთხი-
ლოც იყო და საეჭვოც. ჩემი წინასწარი ნააზრევი
დღეს უკვე გამართლებოლია. ახლა რომ დამეწე-
რა იგი; ვიტყოდი, აღარ სძინავს, გაიღვიძა-მეთქი.
ეს გაღვიძება სიამითა და სიხარულით ავსებს ჩემს
მოღალულ არსებას. დიახ, ქართველმა უკვე გა-
იღვიძა!..“

ლხინის ბოლოს ფერხული შეასრულეს. მგოსა-
ნი თამაშში ჩააბეს, წრის შუაგულში დააყენეს და
ორპირი შეძახილით ირგვლივ უვლიდნენ. სიმღე-
რითვე გააცილეს იგი და გზა დაულოცეს.

აკაკი გაემგზავრა. თანამხლებლებმა წაიღეს
სპეციალურად გამოცემული აკაკის რჩეულ ლექს-
ოთ კრებული და სურათი, რომლებიც ხალხს უფა-
სოდ დაურიგეს.

19 ივლისს აკაკი ქუთაისშია. მას რეინიგზის
სადგურზე მიევებნენ. აქ მოისმინეს ქუთაისის
კომისიის თავმჯდომარის ვასილ პეტრიაშვილის
სიტყვა.

21 ივლისს დილით სასტუმრო „გრანდ-ოტელ-თან“ დიდძალი ხალხი შეიკრიბა პოეტის გასაცილებლად. აკაკი და მისი თანამგზავრნი ეტლებით გაემართნენ რაჭა-ლეჩებუმისაკენ. გზაზე მათ საჩუქრებით ხვდებოდნენ. ცხენოსანი ახალგაზრდობა სიმღერითა და თოფის სროლით რაზმებად მიჰყვებოდა უკვდავ მგოსანს.

ქალაქის განაპირას, ჭომაში, სპირიდონ წერეთლის ეზოში საუზმე მიიღეს.

ოფურჩეთში, ულამაზეს ჩანჩქერთან, პოეტს მგზავრობა დაულოცა ალ. გერსამიამ და ლექსი მიუძღვნა რკინიგზის მუშამ მ. ხომასურიძემ.

განვლეს ნამახვანი, საიდანაც 3 კილომეტრის შემდეგ, მთა „საზღვარაზე“, რომელიც იმერეთისა და ლეჩებუმის გამყოფი უღელტეხილია, ამოიკითხეს სუროს ფოთლების ჩარჩოში ჩასმული წარწერა „ლეჩებუმი“.

აქ სოფელ დერჩის საზოგადოების წარმომადგენელებმა სტუმრებს პურ-ლვინო მიართვეს. იასონ ახვლედიანი სიტყვით მიესალმა აკაკის: „ერთი თვეა, რაც შევიტყეო, აკაკი მობრძანდებაო. შენი სახელის ხსენებაზე გულიდან რაღაც მძიმე რამ მოგვწყდა, თითქოს ბორკილები დავამსხვრიეთ და

განვთავისუფლდით. აი, ჩვენო დიდებავ, ხალხის გულიდან ამონახეთქი ნამდვილი სიტყვები. ოქვენი მქუხარე სიტყვები ამ კლდე-ღრესაც გამოაღვიძებს. ვაშა, ჩვენო ჭირისუფალო, რომ თქვენი ენა გახდა სათაყვანებელი. ბედნიერი ხართ, რომ თქვენმა შრომაშ სასურველი ნაყოფი გამოიღო!..“ პოეტი მექვენამდის მიაცილეს.

აქ აკაკი სიმღერა-გალობითა და ვარდ-ყვავილების მოფენით სოფლის სამშაროველოს ეზოში შეიყვანეს და სავარძელში ჩასვეს,

ასათიანის გოგონამ პოეტს თაიგული მიართვა და „განთიაღი“ წაუკითხა.

გამშაროულ ნადიმს ამკობდა მერძნობიარე სიტყვები და ქალ-ვაჟთა სიმღერა. აკაკიმ მაღლობა გამოსთქვა და აღნიშნა: „ლირსი არა ვარ ამდენი ქება-დიდებისა. მე მხოლოდ ჩემი მოვალეობა შემასრულებია. აწ იმედი მაქვს, რომ უკეთესად მომზადებული ჩვენი შვილები განაგრძობენ სამშობლოს კეთილდღეობისათვის ზრუნვას.“

საღილის შემდეგ ქალთა გუნდმა განშორების სიმღერა შეასრულა. პოეტი გაისტუმრეს.

აკაკის მოეწონა ხვამლის კლდოვან მთის ძირში და მის მახლობლად გაშენებული სოფლები

ქორენიში, ტვიში და ორხვი. მათ წარმტაც სა-
ლამაზეს აძლევს რიონის ვიწრო ხეობის ორივე
მხარეზე ცამდის აწვდილი სალი კლდეები, სადაც
რამდენიმე გამოქვაბული და ხელოვნური კედელი
ნათლად მოსჩანს. მვოსნის ყურადღება გაამახვილა
ხეამლის ქვაბულმა, რომელიც თამარის ეპოქაში
საიმედო განძსაცავი იყო.

ალპანაში, სადაც გზა იყოფა და ერთ-ერთი
ზემო-ლეჩხუმის უკავშირდება, აკაკის სთხოვებს რა-
ჭილან დაბრუნების შემდეგ შებრძანებულიყო ლაი-
ლაშსა, ორბელსა და ცაგერში. პოეტმა მათ ლაი-
ლაშში მისვლის თანხმობა აღუთქვა. ცაგერში შეს-
ვლას კი ვერ შევსძლებ, რაღაც ეტლი ვერ მიოის
და ცხენოსნობა არ ძალმიძსო.

ალპანაში მვოსანს მიესალმნენ ერმალო გელო-
ვანი და ერაჯი ჩიქოვანი. ყურაშვილის გოგონაშ
შიმშიდველად წაიკითხა აკაკის „განთიაღია“.

მიუახლოვდნენ სოფ. საირმის უღაბნოს. ხალ-
ხური გადმოცემით, აქ ყოფილა ქალაქი, რომელიც
უხსოვარ დროს მიწისძვრის გამო ჩაქცეულა. ოჩა-
სი მეტრის სიღრმეზე. დარჩენილია მაღალი კლდო-
ვანი სვეტები. ერთგან, კლდის ნაპრალიდან, ამო-
დის კვამლი, რაც განსაკუთრებით ზამთარშია შე-

სამჩნევი. იქვე სახნავი მიწაა. მას „კლდეშუას“ უწოდებენ.

წინათ აქ იყო მონასტერი, სადაც ბერები ცხოვრობდნენ. მახლობლად მდებარე ტყეს „საბეროს“ ეძახიან.

უდაბნოს ჩრდილოეთით, მთის კალთებში, გაშენებულია, მღიდარი სოფელი საირმე, სადაც ორასი კომლი ცხოვრობს. საირმის უდაბნოს უღელტეხილთან, სადაც ძნელ აღმართსა და დაღმართში გზა საოცრად დაკეცილია, აღმოსავლეთით თვალწარმტაცი სანახაობა მოსჩანს. მნახველის მზერას ქვემო-რაჭის ხედი იპყრობს. საირმის უდაბნოს ხილვამ აკაკი აღტაცებაში მოიყვანა. წარუშლელი შთაბეჭდილებით აღავსო მისი არსება.

უდიდესი აღფრთოვანებით მიეგებნენ ღიდებულ მოხუცს სოფელ ჭრებალოში. ჭრებალო ეთნოგრაფიულად შედის ლეჩეუში და რაჭასთან ლეჩეუმის საზღვრად ითვლება.

აქ დეკანოზმა ნესტორ ფრუიძემ პოეტს მიმართა სიტყვით: „მოგეგებებით რა სამღვდელოება და ერი ლოცვა-კურთხევით, ვმაღლობთ ღმერთს, რომ ჩვენი პატარა მხარეც გახდა ღირსი თქვენი მობრძანებისა. ჩვენ უწომო სიხარულს ვგრძნობთ

თქვენი ხილვით. ჩვენთვის ეს დღე/შესანიშნავი და ლირსსახსოვარია. თქვენ მამა ბრძანდებით უკვდავი და სახელოვანი ჩვენი ერისა, ლამპარი მანათობელი და ჩაუქრობელი. თქვენ ყველასათვის გულმხურვალედ იღწვით და შრომობთ, ყველას ჰშველით და თანაუგრძნობთ. ბევრი საუკუნე გაიცლის, რომ თქვენი სახელი არ გაქრება ხალხის ცხოვრებაში. გიხაროდეთ, რომ თქვენებრ თავდალებულ მოლვაწეს მოელის ჯილდო—ზეციური გვირგვინი და ნეტარება. გმადლობთ, უკვდავო მგოსანო, რომ ჩვენც არ დაგვტოვეთ უნახავად და გაგვაბეჭნიერეთ მობრძანებით. ვევედრებით უფალს თქვენს დღეგრძელობას, რათა კიდევ გვლირსებოდეს თქვენი ნახვა და სალაში!..“

ხალხის წინ აღიმართა მაღალი, პირხმელი და ენამახვილი ქაიხოსრო გელოვანი. ქ. გელოვანმა, რომელიც ქართული პრესის მუდმივი თანამშრომელი იყო, წაიკითხა შემდეგი ლექსი:

მხცოვანი მწირი დიდებულ მგოსანს
კრძალვით მოგიძლვნი თაყვანისცემას,
გილოცავ გვირგვინს უკვდავებისას—
ნაყოფს ზეციურ შენი ნიჭისას.

შენ გააღვიძე მძინარე ხალხი,
შენ შთაბერე მას ფხიზელი სული,

მისთვის პატივს გცემს მშობელი ერი,
შენით ფენიქსებრ განახლებული.

გამოიფხიზლა შენმა სამშობლომ,
შეიგნო შენი დიადი ღვაწლი,
იხარე სულით, დიდო მგოსანო,
რომ აღასრულე შენ შენი ვალი!..

რაჭელ-ლეჩეუმლებს უკვირდათ, თუ რა იყო
იმის მიზეზი, რომ დიდმა აკაკიმ საქართველოს
ყველა კუთხე მოვლო და რაჭა-ლეჩეუმი ბოლოს
დაიტოვა. ეს თვით აკაკისაც ხშირად სმენია.

პოეტმა ამ შეკითხვის პასუხი ჭრებალოში ასე
განმარტა:

„ბატონებო! მაღლობას გიძლვნით ასეთი გულ-
წროფელი თანაგრძნობისათვის. ჩემდამი მომართუ-
ლი ეს სიტყვები ცოტა არ იყოს ვაღაჭარბებუ-
ლად მიმაჩნია. ქართველებს ჩვეულებად გვაქვს
და გვიყვარს ვადაჭარბება. ამდენი ქება-დიდების
ლირი მე არ ვარ. რაც შეეხება იმას, რომ სა-
ჭართველოს ყველა კუთხე მოვიარე და თქვენი
ქვეყანა—რაჭა-ლეჩეუმი, საღაც ქართული ენა და
ზნე-ჩვეულება დაცულია უფრო წმინდად, ვიდრე
სხვაგან, ვერ ვინახულე, მე ამაზე ბოდიშს ვიხდი.
მაგრამ ისიც უნდა მოგახსენოთ, რომ თქვენი ნახ-

უა გადავდე ბოლოს. როგორც საღილის გათავებისას სტუმარს მიართმევენ რაიმე ტკბილეულობას ყელის ჩასაგემრელებლად, მეც ისე ვიფიქრე საბოლოოდ შემენახა თქვენი კუთხის დათვალიგრება, რათა მოხუცებულობის ჟამს დავშტკბარიყავი და ეს კიდევ აღმისრულდა“.

მგოსანს დიდებულად გაუმასპინძლდნენ და მოასვენეს.

მეორე დღეს, კვირას, მოისმინეს აკაკის საჯარო ლექცია არქეოლოგიური ნაშენებისა და ზეპირმეტყველების მნიშვნელობისა და დაცვის შესახებ.

„8—9 საათიდანვე,—სწერს აკაკის თანამგზავრი ლადო ბზვანელი,— დიდმა და პატარამ იწყეს მოსვლა ყოველი კუთხიდან. მგოსანი ამ დროს ჩანჩქერთან იჯდა და მუსაცფობდა. 12 საათზე აკაკი ჩასვეს მორთულ სავარძელში და ხელით ჩამოატარეს ქუჩებში. იქით-აქეთ იღგა საზოგადოება. დაახლოებით იქნებოდა 4—5 ათასი კაცი. აკაკი მიიყვანეს ქუჩის ბოლოში აღმართულ კათედრასთან, გარშემო შემოესია ეს ამოდენა ხალხი. მგოსანია დაიწყო თავისი ლექცია.“

ლექციის შემდეგ მინდორში, ძველი ციხის

ნანგრევებთან, ცაცხვის ხის ქვეშ, პოეტს გადაუხადეს დიდი ნადიმი. ილაპარაკეს: ქ. გელოვანმა (თამაღამ), ვ. ბოჭორიშვილმა, ი. ცხვედიანმა და გ. მუსელიანმა.

აკაკიმ თავის სადლეგრძელოში გლეხებს უთხრა: „ქვეყნის ხსნა შრომისმოყვარეობაზე არის დამყარებული, იგი თვით მშრომელმა ხალხმა უნდა დააგვირგვინოს.“ ქალებს პოეტმა ძველებური ქართული დედობა უსურვა.

სადილის დამთავრებისას აკაკის აჩუქეს ვერცხლის სურა. მან სურა გულთან მიიკრა და სთქვა: „თუმცა ყოველივე ნივთიერი საჩუქარი სუსტი და წარმავალია მაგრამ ეს, თქვენ მიერ მოძლვნილ საჩუქარი, ჩაინერგება ჩემს გულში თქვენზამი ამოუშლელი სიყვარულითა და თანაგრძნობით.“

იშვიათ საზეიმო მომენტს წარმოადგენდა ლეჩუმლების მიერ აკაკის მიცილება რაჭის საზღვრამდე და რაჭელების მიერ მისი მიღება, რომელიც ძლიერი სიმღერით, თოფების ხშირი სროლითა და საერთო მხიარული ყიჯინით გამოიხატა.

ჭრებალოში, მდ. ასკის ხიდთან, აღმართული იყო სატრიუმფო თაღი, საღაც პურის თავთავებით ეწერა: „რაჭა ფიანდაზად გეშლებათ“. აქ

მხურვალე სიტყვა წარმოსთქვა და დამსახურებულ-
მა პედაგოგმა ლონგინოზ კიკვიძე.

„მობრძანდით, ძვირფასო სტუმარო! ბუნებით
მდიდარი, მავრამ ბედის ანაბარად დატოვებული
რაჭა სულითა და გულით გეგებება ეროვნული ლი-
ტერატურის გამაცისკროვნებელ მგოსანს და თქვე-
ნი მობრძანების დღეს თვლის უბედნიერეს დღე-
თა რიცხვში. დარწმუნდით, ჩვენო სასიქადულო
მამულისშვილო, რომ ასეთივე ღრმა პატივისცე-
მითაა გამსჭვალული თქვენდამი რაჭის მკვიდრნი,
როგორითაც ყველა, ცოტად და თუ მეტად შეგნე-
ბული და გადაგვარებისაგან შორსმყოფი დანარ-
ჩენი ჩვენი მოძმეები. ამიტომაცაა, რომ გაისმა
თუ არა ხმა თქვენი მობრძანების შესახებ, გულ-
წრფელი მხიარულება გამეფდა ჩვენს არემარეში
და გულისფანცქალით მოელოდნენ კაცი და ქალი,
დიდი და პატარა იმ სანეტარო წამს, ოდეს ისინი
გახდებოდნენ ღირსი თქვენი ხილვისა. განა ეს
გასაკვირველია?! დღევანდელ დღეს რაჭა პირვე-
ლად ელირსა, პირისპირ იხილოს ის მწერალი, რო-
მელსაც მამულისადმი სამსახური გაუხდია სათა-
ყვანო საქმედ და, დღიდან საზოგადო ასპარეზზე
გამოსვლისა, ერთგულ დარაჯად უდგას თავის

ეროვნებას და წმინდა სანთელივით ღნება სამ-
შობლოს სამსხვერპლობე; იხილოს ის, რომლის
ჩანგის ქლერას, სევდის ჰანგებთან ერთად, იმე-
დის სხივებით აღუფრთოვანებია უსამართლობით
დათუთქული ჩვენი გული და დამატებობელი ნექ-
ტარივით ჩასწვეთებია ჩვენს სმენას.

უთუოდ წინასწარმეტყველურია სიტყვები, რომ
ზამთრისაგან დაჩაგრულნი მოვესწრებით გაშაფ-
ხულსა, ოლონდ გამოვერკვიოთ საღათას ძილისა-
გან, ვიცნოთ მომაკვდინებელი ძალა შარბათისა
და შევისისხლ-ხორცოთ სულმნათი რუსთაველის ან-
დერძები: „სჯობს სიცოცხლესა ნაძრახსა, სიკვდი-
ლი სახელოვანი“.

ნება მიბოძეთ, ჩვენო ერის სიამაყევ, მოგმარ-
თოთ ერთი კალმოსნის სიტყვებით და გოხოვთ
მიიღოთ ჩვენი მადლობით აღსავსე გული სახა-
ტედ, რომელშიაც გექნებათ სამარადისო და ხელ-
უხლებელი ბინა ჩვენი თანაგრძნობისა და სიყვა-
რულისაგან აგებული, ჩვენი თაყვანისცემისა და
დიდებისაგან შეხურული. კეთილი იყოს თქვენი
მობრძანება!..“

სოფელ ტოლაში პოეტს პურ-ლვინით დახვდა
საზოგადოება. დიმიტრი ყიფიანმა აკაკის უთხრა
შემდეგი სიტყვა:

„აგვისრულდა დიდიხნის ნატვრა, გიხილეთ—
დღემდის ჩვენთვის უხილავი. მოღით, ხალხო, ნა-
ხეთ და გულში ჩაიხატეთ დიდებული სახე საქარ-
თველოს უკვდავი მგოსნისა. პირველად, რომ
„ვეფხისტყაოსანი“ წავიკითხე, ყველაზე უფრო
ადამიანის მზესა და მთვარესთან შედარებამ გამა-
ცა, ახლა კი სრულიადაც არ მიკვირს. და ი
რატომ: დაძველებული მთვარე ილევა. თქვენ კი,
თუმცა ცხოვრების თავდალმართისაკენ ხართ გა-
დახრილი, მაგრამ ისევ სავსე თხუთმეტი დღის
ბადრი მთვარესავით გაჭვთ თეთრი ჭაღარით შე-
მოსილი დიადი სახე. შაშ, თქვენ მეტი ხართ მთვა-
რეზე. თქვენ მზე ხართ საქართველოსი და თქვენი
ტკბილი და მკვირცხლი ლექსები ისე გვიტკბო-
ბენ და გვილბობენ გულს, როგორც მაისის მოწ-
მენდილ ცაზე აღმოცურებული მზის სხივები.
თქვენ ღვიძლი შვილი ხართ საქართველოსი. და
სანამ ეს ქვეყანა თავისი ბუმბერაზი მთებითა და
თვალუწვდენელი დაუდნობელი მყინვარებით, რომ-
ლებსაც „ორბენი, არწივნი ვერ შეხებიან“, მოახ-
დენს წარმტაც შთაბეჭდილებას მნახველზე, მანამ
თქვენც არ მოგეშლებათ ასეთი თვისება და დი-
დება. იშვიათო ბედნიერო ადამიანო, ჩვენო დამ-

პყრობო არა ცეცხლითა და მახვილითა, არამედ სიყვარულითა და გრძნობით, ნება მიბოძეთ, მოწიწებით თაყვანი გცეთ და სიხარულის ცრემლით დაგისველოთ ძვირფასი ჭალარა!..“

ამ სიტყვამ თვით დ. ყიფიანიც აატირა და აკაკიც. ბევრს თვალებზე სიხარულის ცრემლი მოაღვა.

აკაკის მიესალმა გლეხი ამირან ლომთაძე, რომელმაც სიტყვა ლექსით დაასრულა.

ბუგეულის ხილის გასწვრივ, სოფელ ჩორჯოს ღუქნებთან, შეკრებილიყვნენ ახლო სოფლის მკვიდრნი. გიორგი სოხაძემ სიტყვა ასე დაასრულა: „დღეს მთელი რაჭა თავს იხრის თქვენ წინაშე, დაფნის გვირგვინით ამკობს თქვენს სპეტაკ ჭალარას და გუნდრუკს უკმევს სიმართლის მსახურს თქვენს უკვდავ ჩანგურს. ვისურვებთ თქვენს დღეგრძელობასა და სიცოცხლეს, ვისურვებთ, რომ ქართველ ერს თავის საკეთილდღეოდ მრავლად წარმოეშვას თქვენებრ ნაყოფიერი მოღვაწე“.

ერთ-ერთი მოსწავლე შედგა ეტლის საფეხურზე და პოეტს ზეპირად წაუკითხა „სიმღერა მკის დროს“.

მდ. რიცეულთან, სადმელის საზოგადოების

სახელით აკაკის მიეგება გიგო ლორთქითანიძე.
მან სთქვა:

„სახელოვანო მამულიშვილო! თქვენი ხილვა
ჩვენს ერთფერ ცხოვრებას ასხივცისკროვნებს და
ამრავალფეროვანებს. თქვენ აქარწყლებთ გარსშე-
მორტყმულ მტერთა იმ მოქმედებას, რომლითაც
ისინი ცდილობენ ჩვენს დაქვეითებას ზნეობრივად
და ქონებრივად. ამიტომ ვეღარ გვახრევინებს ქედს
ის დუხშირი ცხოვრება და გაჭირვება; რომელიც
თავზე წამოგვწოლია. ქართველი ხალხის ჭირისა
და ლხინის გულით მატარებელო, მრავლად არიან
ორგულნი, რომლებიც გადაშენებასა და გადაგვა-
რებას უქადიან ქართველ ხალხს, მაგრამ როდე-
საც თქვენ გხედავთ, გული კლდესავით მაგრდე-
ბა და იმედი გვეძლევა, რომ ჩვენს ქვეყანას მომა-
ვალში წარმატება მოელის.

თქვენ ხართ ჩვენი ეროვნული თავმოყვარეობის
განმაძლიერებელი, თქვენით გვიცნობენ უცხოე-
ლები და სხვა ხალხის თვალში ადგილი გვიჭი.
რავს, თქვენ ხართ ჩვენი დიდება; გულის მალამო,
მწუხარების გამქარვებელი და ამისათვის გვი-
ყვარს თქვენი სახე, ლაპარაკი და ის გზაც, რო-
მელზედაც თქვენ გაივლით. თქენი ნახვა ბუნების

რომელიმე დიად მოვლენას უდრის. დღევანდელი დღე ჩაითვლება ჩვენთვის ისტორიულ დღედ, რომლის მსგავსსაც ადამიანი ძვირად ელირსება, რადგან თქვენისთანა დიდებული მგოსანი საუკუნეთა განმავლობაში იშვიათად გამოჩნდება“.

დიდი შთაბეჭდილება მოახდინა მგოსანსა და მის მხლებლებზე ეტლებით მომავალი რუსი ტურისტების შეხვედრამ ძირაგეულის ჭალაზე, ამპროლაურის პირდაპირ. ისინი გაღმოსულიყვნენ მამისონის ულელტეხილით, მაა შესწყვიტეს სკლა და იკითხეს აკაკი. ტურისტთა ხელმძღვანელმა პროფ. ს. ანისიმოვმა მხურვალე სიტყვით მიმართა მგოსანს, რომ ისინი უერთდებიან ქართველი ხალხის ზეიმს, მაგრამ ამავე დროს საჭიროდ მიაჩნიათ აღნიშნონ, რომ აკაკი არა მარტო ქართველი ერისა, არამედ მთელი ქულტურული კაცობრიობის კუთვნილებაა.

საპასუხო სიტყვაში აკაკიმ ხაზი გაუსვა რუსეთის მოწინავე ინტელიგენციის დიდ როლს მცირე ერებისა და ჟერძოდ. ქართველი ხალხის განთავისუფლებისათვის ბრძოლის საჭმეში.

ცოტა ხნის შემდეგ ხარჯოვის ერთ-ერთ ცენტრალურ გაზეთ „უტროში“ გამოქვეყნდა პროცესორი

ს. ანისიმოვის წერილი „შეხვედრა საქართველოს უდიდეს პოეტ აკაკი წერეთელთან“, სადაც ავტორი ხოტბით იხსენიებს მგოსანს და აღწერს მოგზაურობას.

1912 წლის „სახალხო გაზეთში“ (№ 756) მოთავსებულია „უტროდან“ გადმომეჭდილი ეს სტატია. აი, როგორ მოვალეობის პროფესორი ამ შეხვედრას:

„სოფელ წესს რომ გასცდებით, ორი ვერსის დაშორებით, მდინარის ახლოს დგას ძველი უკლესია. ეკლესიასთან რომ გავიარეთ, დავინახეთ: მწევანე მდელოზე გაშლილი ხალხი ყვავილების კამარას ჰქონდა. მეორჯ ჯგუფი ეკლესიისაკენ ჩასასვლელ ბილიკს აკეთებდა.

აქ გავიგეთ, რომ ეს მხიარული ხალხი შეხვედრას უპირებს საყვარელ პოეტს, 70 წლის მოხუცს, აკაკი წერეთელს. მთელ ღამეს იდლესასწაულეს, სიტყვები, სიმღერა, ცეკვა-თამაში გათენებამდე გრძელდებოდა.

ხალხი თანდათან ემატებოდა. ქალი და კაცი, მოხუცი და ახალგაზრდა, საღლესასწაულოდ გამოწყობილნი, ეკლესიისაკენ მიდიოდნენ. დედაკაცებს ხელში ძუძუმწოვარი ბავშვები ეჭირათ. მუშა

და ინტელიგენტი, გლეხი და ვაჭარი, წვრილი ხელოსანი და მღვდელი, მდიდარი და ღარიბი— ყველა ქრთი გრძნობით იყო გამსჭვალული, ყველას უხაროდა აკაკის ნახვა. ყველა ერთნაირად ამაყობდა მისი ნიჭით. ყველამ იცოდა, რომ ის იყო საჭართველოს მბრწყინავი გენიოსი.

ხალხი მოუთმენლად მოელოდა აკაკის მოს- ფლას. ყველას პირზე აკაკი „ეკერა“, ყველას ხელში მისი ლექსთა კრებული ეჭირა. ბევრს მეტი სიხა- რულისაგან თვალებზე ცრემლი მოსდიოდა.

სოფლის შესავალში ჩინებულად იყო აღმარ- თული თალი, შემკული ვარდ-ყვავილებით. ზედ პურის თაველებით ეწერა: „გაუმარჯოს აკაკის“. ყველას სახლი მოკაზმული იყო. ყოველ წუთს ხალხი ემატებოდა. ურმით მოიტანეს ორი უშვე- ლებელი რუმბით ღვინო.

სალამოს ხუთი საათია. მზის სხივებში ვხედავთ ოქროსფერ მთებს. აკაკი ჯერ არსავ ჩანს. ჩვენ, რადგან აკაკიმ დაიგვიანა, ქუთაისისაკენ გავემ- გზავრეთ. გავიარეთ ერთ უმშვენიერესი ხევი რიო- ნისა. აქ სალი კლდენი მდინარეს ელობებიან წინ და თითქოს უნდათ მისი სვლა შეაჩერონ. რიო- ნის ტალღები საშინელი ქშენითა და კვნესით ინთ-

ქმებიან კლდეთა ძირში. კლდეთა ნაპირებზე შერჩენილია ნანგრევები ძველი ციხე-გალავნებისა. ხალხის თქმულებით, აქ იყო მიჯაჭვული პრომეტეოს—ამირანი. პრომეტეოსის სალი კლდენი ზეცას სწვდებიან თავისი სიმაღლით, მათი ძირი იკარგება უფსკრულში, სადაც გამძვინვარებული მდინარე მიჰყეფს, აქაც, სადაც იშვიათად შეხვდებით ადამიანს, აუარებელ ხალხს მოეყარა თავი. ახალგაზრდა მოსწავლენი არიგებდნენ აკაკის ლექსთა წიგნაკებს. ჩვენ ეტლში მივიწვიეთ ერთი მოსწავლე, მისი სახე ფრიად სათნო და მიმზიდველი იყო. იგი სწავლობდა ქუთაისის საშუალო სასწავლებელში. მან გადაშალა აკაკის წიგნი და გადაგვითარგმნა ერთი ლექსი. თარგმანი დაახლოებით ასეთი იყო: მე მიყვარს ის კაცი, ვინც ნიადაგ შრომაშია, ვისი ხელებიც დაკოურებულია. გაუმარჯოს მშრომელს და განოყიერდეს მისი ყანა, კაჭკაჭი კი არ ვარ, რომელსაც თავის ბუდეში შეაქვს ყველაფერი, რაც ბრჭყვინავს, მძულს მცონარენი და მუქთახორები, რომელნიც მშრომელთა შრომითა და ტანჯვით არიან განცხრომაში.

ჩვენი ეტლი ვიწრო ხეობიდან ფართო მდელოზე გავიდა. ორივე მხარეს აყუდებულიყვნენ მთები და ზედ მოჩანდა ციხე-კოშკების ნანგრევები.

შორს, დასავლეთით, გამოჩენდა მხედართა ჯვუ-
ფი, რომელიც რეალივით შემორტყმოდა აკაკის.
ეტლს, ჩოხა-ახალუხში გამოწყობილნი ამაყად ისხ-
დნენ ცხენებზე. ამათში ტანისამოსით განირჩეოდა
ორი მღვდელი. ეტლს ყვავილებით ჰქონდა წარ-
წერა: „გაუმარჯოს აკაკის“.

ეტლი შეჩერდა. ჩვენ სალაში მივეცით პოეტს.
პოეტი გადმოვიდა და მოგვაჩერდა. ეს იყო ლა-
მაზი, მთლად გათეთრებული წვერ-ულვაშით შემ-
კული მოხუცი. სახე დაღლილი, მაკრამ დინჯი და
მშვიდი ჰქონდა. თვალებში სიამოვნების სხივი
უკრთოდა.

მე მივესალმე; დიდად მოხარული ვარ თქვენი
ნახვით. განუსაზღვრელ სიამოვნებით ივება გუ-
ლი, როცა ვხედავ, თუ როგორ აფასებს და სიყ-
ვარულით ჩვებება ხალხი ძვირფას მოსანს.-
ძლიერი შთაბეჭდილება მოახდინა ჩვენზე ამ
დღესასწაულმა.

აღელვებულმა წერეთელმა გვიპასუხა რუსუ-
ლად. იმან სთქვა; რომ ვაზვიადებ მის პოპულა-
რობას. მცირე პაუზის შემდეგ, პოეტმა თავი
მაღლა ასწია, სიცოცხლით სავსე თვალები მომა-

ნათა და სთქვა: თუმცა ოქვენ რუსები ხართ და
ჩვენ ქართველები, თუმცა სხვადასხვა ენაზე ვლა-
პარაკობთ, მაგრამ სიყვარულის გრძნობა უნდა
აერთებდეს ყველას, სიყვარულის გრძნობა ყველას
ერთი ენით უნდა ამეტყველებდეს.

გამოვემშვიდობეთ. წერეთელი ჩაჯდა ეტლში.
რამდენიმე წუთის შემდეგ ეს მშვენიერი სანახაობა
თვალს მიეფარა“.

თუმცა ამ სტატიაში არ ვხვდებით, მაგრამ, რო-
გორც შეხვედრის მონაწილე ვლადიმერ ფოფხაძემ
(გარდაიცვალა 1942 წ. სოჭ. კვაცხუთში) გვიამბო,
ს. ანისიმოვს უთქვამს: „ილია—ქართველების აზ-
რია, აკაკი—ქართველების გრძნობა“.

განსაკუთრებული სიყვარულით დახვდნენ აკა-
კის წესში.

წესი ისტორიული სოფელია. აქ ჰქონდათ რე-
ზიდენცია რაჭის ერისთავებს. წესის ახლოს, ბა-
რაკონში, არის დიდი ციხე-სიმაგრე და შესანიშ-
ნავი ტაძარი.

ეს ტაძარი ააგო 1745 წელს როსტომ ერის-
თავმა.

ხალხური გადმოცემით (გვიამბოვლ. ფოფხაძემ),
როსტომ ერისთავმა თავად იაშვილს ცოლი მოს-

ტაცა, იაშვილმა იჩივლა კათალიკოსთან, რომელმაც დასაჯა როსტომი. დანაშაულის ჩადენისათვის მას ტაძარი უნდა აეგო. როსტომმა კათალიკოსის გადაწყვეტილება აღასრულა

დაუდეგარი და ძალუმი მდინარე ლუხუნი, რომელიც ურავის მთებიდან გადმოქუხს, ბარაკონის ტაძართან უერთდება რიონს. ტაძარი ორივე მდინარის მარჯვნივ მდებარეობს. მისი ეზო მოზრდილი და ბალობია, რიონის სიღრმეში არის შეჭრილი და ნახევარ კუნძულს მოგვაგონებს. ირგვლივ დგანან ტყით შემოსილი თვალუწვდენელი მთები. ჩრდილო-აღმოსავლეთით, რიონსა და ლუხუნს შორის, კლდოვანი მწვერვალიდან იქაურობას ამაყად გადასცერის უძლეველი სიმაგრე „მინდაციხე“, პოეტი კონსტანტინე ჭიჭინაძე ამ ბუნებას ასე აგვიწერს:

თითქოს წამდგარა საჭიდაოდ' ქედის წინ ქედი,
ჩრდილში მაძვრება ძირს რიონი, როგორც დრაკონი,
კლდეზე სხავები ჭანკალებენ და ბარაკონი
თეთრად ქათქათებს, ვით ჯეჯილში ჩამჯდარი გედი.

მეთორმეტე საუკუნეში რაჭას განაგებდა თამარ მეფის აღმზრდელი, განთქმული კახაბერი.

ჩემი წინაპარი იყო ერისთავი კახაბერი,
თამარ მეფის მამობილსა ყმანი ჰყავდა მეტად ბევრი,
მე ვარ მისი ტომისაგან, ვერ მატირებ, ტყვილა მღერი,
გემორჩილო? ნუ გგონივარ ქაჯაია, შენი გერი!..

ასეთი წიგნი გაუგზავნა როსტომ ერისთავმა
იმერთა მეფე სოლომონ პირველს.

ბარაკონის ტაძრის ეზოში ერისთავთა სასახლე
იყო.

თავმომწონე და გონებამახვილი მთავარი როს-
ტომი სოლომონ დიდის დაუძინებელი მტერი იყო.
ვირტუოზული ოსტატობით არის შესრულებული
როსტომის მიერ სოლომონისადმი მიწერილი ხმა:
„შენსა მოველ და შევამკობ შენსა ტანალობასა,
შენი უდასტურობა კი არლვევს ბატონყმობასა“
(— შენ სამოველ, შენ სატანა, შენ იუდა).

სოლომონ პირველმა სამშობლოს ღალატისა-
თვის თვალები დასთხარა როსტომსა და მის შვი-
ლებს.

მთავარი ბარაკონის ეკლესიაში არის დაკრძა-
ლული.

ბარაკონში თავმოყრილი უთვალავი ხალხი ალ-
ტაცებით ელოდა დიდებული მგოსნის მობრძანე-
ბას.

აკაკის შეეგება რაჭის მაზრის უფროსი პოდ-
პოლკოვნიკი ნ. ჩერნოვი და უთხრა მოკლე სიტ-
ყვა.

ნ. ჩერნოვი აქტიურად მონაწილეობდა ამ ზე-
იმში. აკაკი გაკვირვებული იყო, რომ მეფის რუ-
სეთის ხელისუფლებაში, რომელსაც იგი მთელი
სიცოცხლე დაუღალავად ებრძოდა, მისი ნიჭის
ასეთი თაყვანისმცემელი ჰყავდა.

სტუმრები შეიყვანეს ტაძარში. სადაც მღვდელ-
მა ფ. გოცირიძემ სამშვიდობო პარაკლისი გადი-
ხადა და პოეტს მიესალმა.

„განუსაზღვრელ მაღლობას გიძლვნით, დაუღა-
ლავო მოღვაწევ, იმ აღფრთოვანიბისათვის, რომე-
ლიც დღეს მზის შუქივით მოეფინა თქვენი მობრ-
ძინებით რაჭველთა გულს. აღსრულდა ჩვენი ღი-
ლიხნის ნატერა. ველირსეთ და ვიხილეთ ჩვენი ჭი-
რისა და ლხინის მღალადებელი მოხუცი აკაკი,
რომელმაც მთელი თავისი სიცოცხლე გაატარა
დაბეჩვებული და გაღატაკებული ხალხის მოსარ-
ჩლეობაში. უფლისაგან ნაკურთხი თქვენი კალაში
მტერს მახვილს სცემდა და მოყვარეს თვალს უხელ-
და. მოვესწრებით იმ დროსაც, ჩვენო სინათლის
მომფენო, როდესაც თქვენი შრომა გაძლიერებულ

ნაყოფს მოისხამს. უკვე ემჩნევა ქართველ ერს გა-
მოღვიძება. სრულდება თქვენი წინასწარი ნააზ-
რევი და სიტყვები“.

აკაკი მიიწვიეს ხალიჩებითა და ყვავილებით
მორთულ ფანჩატურში, საღაც სიტყვები და ლექ-
სები წარმოსთქვეს.

პირველად ილაპარაკა აწ დამსახურებულმა პე-
დაგოგმა გ. კვიტაშვილმა.

„თუმცა ციური მნათობი უკვე ჩაესვენა და თა-
ვის განმაცხოველებელ სხივებს ველარ უგზავნის
ჩვენ სხეულს, მაგრამ სამაგიეროდ ჩვენს სულს ათ-
ბობს პოეზიის სხივები, რომელნიც თქვენი მაღალი
შუბლიდან ანათებენ, შუქს უხვად გვთენენ და
ათასნაირ გრძნობებს გულში გვიღვიძებენ. თქვენი
პოეზია აღვვიძრავს მამულისა და სამშობლო ენის
სიყვარულის უტკბილეს გრძნობებს. თქვენ ღა-
ლადებთ დიად აზრებს; რომელნიც ჯერ განათლე-
ბულ ქვეყნებშიაც არ არის განხორციელებული
სრულად. ძმობა, ერთობა და სიყვარული—აი ეს
აწერია თქვენს დროშას და მას ჩვენც ვეტრფით.
თქვენი შორსმსჭრეტელი ჭკუა და მახვილი
ენა ყოველთვის კეთილგონივრობის გზას გვიჩვე-
ნებდა, თითქოს გვეუბნებოდით, ქართველებო,

იშრომეთ, რადგან შრომა ადამიანის კეთილდღეობის საფუძველია, მოპყიდეთ ხელი მეურნეობასა და ვაჭრობა-მრეწველობას, რომ საკუთარი ეროვნული სიმღიდრე შექმნათ, კარგად შეისწავლეთ სამშობლო ენა, თუ გინდათ ქართველად იწოდებოდეთ. ვინც უცხო ენებს და ჩვეულებებს ითვისებს და თავისას კი ივიწყებს, ის გადაგვარების მოსურნეა. ასეთი კაცი მოგვაგონებს იმ უგუნურ თაგუნას, რომელმაც თაგვობა იუკადრისა და ჩიტობა ინატრა. ნატვრა აუსრულდა, ფრთები გამოესხა და მხიარულად ჰერში გაისრიალა, მაგრამ იქ ჩიტებმა იუცხოვეს. დაესივნენ, ჩაუნისკარტეს და თავპირგასისხლიანებული გააგდეს. თაგუნა დაბრუნდა სოროში, სადაც თავვებმაც ალარ მიიღეს. შერცხვენილი თაგუნა ამის შემდეგ დღით ვერ ჩნდება და მხოლოდ ლამით დაფრინავს. ამ თაგუნას ჩვენ ვუწოდებთ „ლამურას“.

„ნურავინ ისხამს სხვის ქურქსა,—ამბობს გაუბედურებული თაგუნა,—და ნუ სცვლის თვისსა ენასა, თორემ ბოლოს მოიმკის ჩემსავით ცრემლთა დენასაო“. შეისწავლეთ ჩვენი ისტორია, ჩვენი წარსული, ჩვენი სიამაყე — აყვავების ხანა. იქ გვყავს ისეთი დიდებული პირები, როგორიც არიან და-

ჭით აღმაშენებელი, თამარ დედოფალი, ერეკლე მეფე და სხვანი. ესენი გვამხნევებენ და გვაძლევენ იმედს, რომ საქართველოს კიდევ მოელის ბრწყინვალე დრო. ბევრს ასეთ აზრებს გვიქადა-გებთ თქვენ და ამით გვამაღლებთ სულით. ქარ-თველი ერი ყოველთვის იამაყებს იმით, რომ ჰყავს სამშობლოს თქვენებრი დამცველი“.

მ. ჯაფარიძემ სიტყვა ასე დაამთავრა: „ას-რულდა თქვენი სურვილი, მიძინებულმა გაიღვიძა და აწ მას ვეღარ დააძინებენ. ამიტომ თქვენი ნაჭირნახულევი ოჯახი და მონაგარი სიყვარულით გეგებება და ფეხქვეშ ფიანდაზად გეფინება, სულსა გწირავს და თავზე გევლება. იგი მტკიცედ გვირ-დება განახორციელოს ყველაფერი, რაც თქვენმა კურთხეულმა კალამმა ჩვენდა საკეთილდღეოდ დას-წერა. თქვენი შრომის სამაგიეროდ აღთქმასა ვსდებთ საქმით აღვასრულოთ თქვენი მოძღვრება, შევიყვაროთ ერთმანეთი და ძმურად ვემსახუროთ საყვარელ სამშობლოს.“

დასასრულ, ვსთხოვთ თამარის, რუსთაველის და ქართველ მოღვაწეთა სულთ გვიშუამდგომლონ, რათა დაგვანებონ თქვენი თავი დიდხანს ჩვენი ერის საკეთილდღეოდ“.

სერგო ქელბაჭიანმა და აბელ კიკოშვილმა წარმოსთვეს ლექსები.

ღამე სტუმრები მოასვენეს როსტომ ერისთავის შვილთა შვილის შამადავლე ერისთავის ბინაში. აკაკისათვის ცალკე ოთახი ჰქონდათ მჩად.

გაიმართა საუბარი პოეტთან სხვადასხვა საკითხების ირგვლივ. აკაკი ყველას გულდასმით უსმენდა და და შესაფერ პასუხს აძლევდა.

კითხვა მისცეს,—მოგვითხრობს ლონგინოზ კიკვიძე,—ალექსანდრე ყაზბეგის ავტორობის შესახებ. მან სთქვა შემდეგი:

განეთ „დროების“ რედაქტურიაში ვიყავით. დიდი საქმე გვქონდა სანდროსთან. გავგზავნეთ კაცი შინ. ის დაბრუნდა და გვითხრა: აბანოში წასულაოვაფრინეთ აბანოსაკენ კაცი. მან მოიტანა ამბავი, რომ სანდრო ნომერში ჩაიკეტა და აღარ გამოდისო.

მაშინ თვით აკაკი წავიდა მასთან. ჩატეხეს კარი და ნახეს ასეთი სურათი: სანდრო აბაზანაში გაჭიმულა გულალმა და ფიჭრს წაეღო.

როდესაც გამოაფხიზლეს, სანდრომ საყვედურით მიმართა მათ: თქვე ოჯახდაჭცეულებო, რა მიქენით „ხევისბერ გოჩაზე“ ვფიქრობდიო.

აკაკიმ სხვა ფაქტებიც გაიხსენა. აღნიშნა, რომ სანდრო ჩემ თვალშინ ჰქმნილაოთავის შედევრებს. მას სანდროსაგან ხშირად მოუსმენია მისი ცნობილი მოთხრობების შინაარსი. სანდროს მრავალჯერ მიუმართავს აკაკისათვის და რჩევა მიუღია. აკაკი მისი მესაიდუმლე იყო.

მგოსანმა დაასკვნა: არსებული აზრი საბოლოოდ უნდა მოისპოს, რადგან არა გვაქვს არავითარი საბუთი, რომლის ძალით სანდროზე ეჭვის მიტანა შეიძლებოდესო.

მეორე დღეს ორასი კაცის შემადგენლობით გაიმართა ფერხული. მან აკაკიზე წარუშლელი შთაბეჭდილება მოახდინა. როდესაც შეასრულეს სიმღერა „უღელეს ჩამოდგა“... მაშინ განსაკუთრებული ყურადღება მიიპყრო 80 წლის მოხუცმა სორელმა ქალმა, რომლის ხმა ზარივით რეკდა ფერხულის მრავალრიცხოვან მონაწილეებში.

აკაკიც, რომელიც აივნიდან გაპყურებდა ეზოში გამართულ თამაშს, ჩააბეს ფერხულში.

ამავე დღეს დაათვალიერეს ბარაკონის ტაძარი. შიგ ნახეს როსტომერისთავის საულავი; რომლის ჩუქურთმოვან ქვაზედაც აწერია ზმა: „წელსა ჩლევ-სა [1766] ლოდსა ამას ქვეშე მდებარე არს ეკლესიისა_ ამისა აღმშენებელი რაჭის ერის-

თავი სხვათა უფროს ტომი. ნეტარად განსასვენებლად. საუკუნოდ იყოს ხსენება მისი. ამინ“.

აკაკიმ წაიკითხა ეს ეპიტაფია და სთქვა: როსტომს ზვიალობა საფლავშიაც ჩაუტანია.

დაათვალიერეს აგრეთვე ბარაკონის ძველი ტაძრის ნანვრევი, რომელიც თამარის ეპოქას იკუთვნის.

სხვაველმა გლეხმა ასლან არჩვაძემ შინიდან მოიტანა და აკაკის უჩვენა დიდი ქართული ხელთნაწერი წიგნი, რომელიც ლექსიკონი იყო და 600 გვერდს შეიცავდა. მას ავტორი და დაწერის დრო არ ჰქონდა აღნიშნული; ივანე პაჭრაძემ მგოსანს გადასცა ამბროლაურში ნახული ექვსი დიდი და ოთხი პატარა ძველი სპარსული ფული. აკაკი ღაპტირდა მათ, რომ ლექსიკონსა და ფულებს მათი სახელით შევსწირავო ისტორიულ-ეთნოგრაფიულ საზოგადოებას.

ნაშუადლევს გაიმართა ნადიმი. სიმონ ჭელიძემ, რომელიც თამაღად იყო, წარმოსთქვა სადღეგრძელო: „თქვენი ცხოვრების წარსული და აწმყონებას მაძლევს გონების თვალით გადავხედო იმ დროს, როდესაც მაცხოვარი წაესწრო გალილეის ტბაზე მებადურ ებრაელებს და მათგან აირჩია

მოციქულები. მაღალი სწავლა ქრისტიანობისა მო-
ციქულებად მოითხოვდა ისეთ პირებს, რომელთაც
უნდა უარეყოთ უოველივე სოფლიური და მთელი
არსებით შესდგომოდნენ ქრისტეს სახარების გავრ-
ცელებისა და განმტკიცების საქმეს. მაცხოვარ-
მაც ამ სიტყვებით მიმართა ახლადარჩეულ მოცი-
ქულებს: „რომელსა უყვარდეს მამა ანუ დედა
უფროს ჩემსა, არა არს იგი ჩემდა ღირს; და რო-
მელსა უყვარდეს ძე ანუ ასული უფროს ჩემსა,
იგი არა არს ჩემდა ღირს; და რომელმან არა აღი-
ღოს ჯვარი თვისი და შემომიდგეს მე, იგი არა
არს ჩემდა ღირს.“

მოციქულებმა ზედმიწევნით შეასრულეს წინადა-
დება ლვთაებრივი მასწავლებლისა. როდესაც თქვენ,
ჩვენო ძვირფასო მოჭირნახულევ, წამოიზარდეთ
და შესძელით სალი გონებით გემზირათ ქვეყნისა-
თვის, ქვეყნის მაცხოვარმა—ძვირფასმა სამშობლომ
თითქოს მოგმართა მაცხოვრის აღნიშნული სიტყ-
ვებით, რომ მისი სიყვარულისათვის ყოველივე ამ-
ქვეყნიური დაგვეტოვებინა. თქვენ, როგორც ზე-
გარდმო მაღლით განგრძნობილზა მოციქულმა სა-
ქართველოს დიდებისამ, კიდეც შეასრულეთ დიდ-
მნიშვნელოვანი მოწოდება სათაყვანებელი სამშობ-

ლოსი: დაუტოვე მამა, დედა, ცოლი, ქე და ასული, აღილე ჯვარი სამშობლოს მსახურებისა და ნახევარ საუკუნეზე მეტი დაუღალავად ატარებთ მას ოქვენდა სასახელოდ და ჩვენდა სასიქაღულოდ. დღეს პირნათლად და მოციქულებრივი ბრწყინვალებით დგახართ ქართველი ერის წინაშე, შემკობილი უკვდავების გვირგვინითა, რომლის გვერგვს და ფოთლებს შეადგენს უსაზღვრო სიყვარულის გრძნობა მამულისა თავის უსაყვარლეს შვილისადმი.“

ს. ჭელიძემ სიტყვა ლექსით დაასრულა. სადღე-გრძელო მქუხარე ტაშმა დაპტარა. საგანგებოდ გაგზავნილმა გლეხებმა ტაძრის მახლობლად ჯაზაირები დასკალეს. „მინდაციხიდან“ ლაღუმი ააფეთქეს. შეიქნა თოფ-დამბაჩების გაბმული სროლა.

ნადიმზე გულთბილად ილაპარაკეს ნ. ჩერნოვმა და ქუთაისის ქართული გიმნაზიის მოსწავლე ვალერიან ჯაფარიძემ.

წარმოსოქვეს ილია ჭავჭავაძის შესანდობარი. ყველა ფეხზე აღვა და ერთხშიად შესძახა: „საუკუნო განსვენება.“

ჭალებმა იმღერეს „ტყემ მოისხა ფოთოლი...“ ნადიმი ფერხულით დამთავრდა.

აკაკი წაიყვანეს ნიკორწმინდაში, გაიარეს ხი-
დიკარი (ცნობილი ქლდეკარი, საღაც როსტომ
ერისთავს გაკეთებული ჰქონდა ჭიშკარი რიონის
ხეობის ჩასაკეტალ მტრის შემოსევის დროს. ხეო-
ბის ორივე მხარეს აღმართულია ციხეები, რომ-
ლებიც დღემდე ნანგრევების სახით არის მოღწე-
ული) ამბროლაური, ხოტევი, ჭელიალელედა ავი-
დნენ ნიკორწმინდაში.

დავით კანდელაკის ოჯახში, ცაცხვის ხის ჭვეშ
გაშალეს სუფრა. თამაღად აირჩიეს ფრიად გან-
სწავლული რაჭველი ვლადიმერ ფოფხაძე, რომელ-
მაც ყანწით ხელში, მგოსანი აჯღევრძელა შემ-
დეგი სიტყვით:

„ჩვენი სამშობლოს დიდებავ და სიამაყევ, მგო-
სანო აკაკი! ნება მიბოქეთ, ორიოდე სიტყვით გამ-
ცნოთ ის გრძნობა, რომელიც თქვენმა მობრძანე-
ბამ ჩვენში აღძრა: თავისი გაჩენის დღიდან რაჭა
არ ჰლირსებია თქვენისთანა სტუმარს. დაფასება
თქვენი მნიშვნელობისა და ღვაწლისა მე არ ძალ-
მიძს და აქ არც დრო და ადგილი არის. ვისაც
ქართული ანბანი დაუძლევია, ყველამ იცის, რო-
გორი სამსახური მიგიძლვით ქართველი ერი-
სადმი.

დიდი ხანი არ არის მას შემდეგ, რაც მთელმა საქართველომ დიდებულად იდლესასწაულა თქვენი 50 წლის მოღვაწეობის იუბილე, რითაც მან ცხადად დამტკიცა, რომ თქვენს შრომასა და ღვაწლს ნახევარი საუკუნის მანძილზე სასურველი ნაყოფი მოუტანია. დაგიმტკიცათ, რომ იგი კიდეც გამოფხიზლებულია - და ერთი აზრითა და გრძნობით არის გამსჭვალული.

იუბილეს შემდეგ ჩვენი სამშობლოს კუთხეებმა მიგიწვიათ და შესაფერი პატივი გცათ. რაჭას ყველაზე ბოლოს ხვდა წილად ბედნიერება თქვენი მოწვევისა. მართალია, ჩვენი დახვედრა და დღესასწაული გარეგნულად ბრწყინვალე და დიდებული არ არის, მაგრამ სამაგიეროდ გულწრფელია და, რაც შეძლება გვაქვს, ვცდილობთ გამოვხატოთ თქვენდამი უზომო სიყვარულსა და დაფასებაში.

ვუსურვებთ რაჭას თქვენისთანა საყვარელი სტუმრების ხშირად წვევას, რათა ასეთი გმირების შრომისა და ღვაწლის ნაყოფით იგი მალე მოსწრებოდეს თავისი სატრაქო ნესტან-დარეჯანის ქაჯთაგან განთავისუფლებას და ამასთან ერთად ზნებით, გონებითა და ქონებით წინსვლას. თქვენ

კი, ძვირფასო მგოსანო, გისურვებთ მრავალუაშიერ სიცოცხლეს, რათა თქვენი სიმთა უღერით კიდევ დიდხანს დამტკბარიყოს ქართველი ერი!..“

ითქვა სიტყვები, შეასრულეს ფერხული და სიმღერები, ლხინი მხიარულად დამთავრდა.

საღამოს, როჯესაც აკაკი ძილს აპირებდა, გაიღო კარი, ოთახში შემოვიდნენ თეთრ ტანსაცმელ-ში ანგელოსებად მორთული ქალიშვილები, რომლებმაც მგოსანს ძველებური ნანინა უგალობეს.

აკაკის მეტად მოეწონა ეს სოფელი. მისი ძვირფასი ეკლესია მეთერთმეტე საუკუნისა, შაორის ჭალა და ტბები ხარისხვალა და ძროხისოვალა.

ნაკორწმინდის ტაძარი ქართული არქიტექტურული ხელოვნების უბადლო ძეგლად ითვლება. იგი თლილი ქვითაა ნაშენი და მდიდარია მხატვრობით. მისი გუმბათი მთლიანად მოჩუქურთმებულია.. დასავლეთის კარიბჭეზე შემდეგი წარწერაა: „ქრისტე, ძეო ლვთისაო, აღალე სიმართლით და დღეგრძელობით ბაგრატ, აფხაზთა რანთა მეფე, ქართველთა გურაპალატი და გაზარდე ძე მისი გიორგი“.

შაორი მოზრდილი მდინარეა, მასში კალმახი მრავლობს. შაორი იკარგება უფსკრულში ხერგას-

თან და ხუთი კილომეტრის შემდეგ გადმოქუცხს ჭელიშის უდაბნოში, საიდანაც მას „შარეულას“ უწოდებენ და რიონს ერთვის.

მგოსანმა დაათვალიერა შაორის ჭალა და ტბები ხარისთვალა და ძროხისთვალა. ხარისთვალა ვეებერთელა წყაროა. ძროხისთვალა კი დამდგარი ტბაა და სასმელად არ იყენებენ.

ხარისთვალასთან სტუმრებს მიართვეს სადილი. პოეტის ყურადღება მიიპყრო ნიკორწმინდელმა გლეხმა ალექსანდრე სამოკასოვმა, რომლის წინაპარი ოდესალაც რუსეთიდან ლტოვილი ყოფილა. ალ. სამოკასოვმა რუსული ენა არ იცოდა. აკაკიმ ამაზე თურმე ასე იხუმრა:

გარუსებულ ქართველებს, რომლებმაც მშოლიური ენა სრულიად დაივიწყეს მრავალს შევხედრივარ, ხოლო გაქართველებული რუსი კი იშვიათად მინახავსო.

სტუმრები დაბრუნდნენ ძველი გზით და ონისაკენ გასწიეს. შევიღნენ სოფ. ხოტევში, სადაც ტერეზია და მიხეილ ჭიჭინაძეების ოჯახში იყვნენ მიწვეულნი. იმავე დღეს ამბროლაურში მინა გიორგობიანის ოჯახში მოისვენეს და სამხარი მიიღეს.

აქ ვ. მესხმა სადღეგრძელოში ახსენა სიტყვა „მხურვანი“, რაზედაც აკაკიმ სიცილით უპასუხა: „შენი ყველა სიტყვა მართალია, ხოლო ერთი ტყუილი გამოურიე; მე მიწოდე მხურვანი ე. თ. ძლიერ მოხუცი. მართალია, მე მხურვანი ვიყავი, მაგრამ ახლა, რაჭა რომდავათვალიერე, სრულიად გამოვიცვალე და გავყმაწვილდი იმის გამო, რომ აქ ვხედავ გამოლვიძებულ ხალხს.“ ინახულეს მაჩაბელთა ნამოსახლი, ციხე და ეკლესია. ნასამხრევს გაემართნენ სოფელ სორისაკენ.

დაბინდებისას, სკოდორის ხიდთან, აკაკის ფანრებითა და ჟინულილებით შეეგება მუხლის, ბარის და სამთისის საზოგადოება.

სოფ. მუხლის მასწავლებელმა სერგო ვარაზაშვილმა სთქვა: „თქვენგან თელილს და გაკაფულს ეკლიან გზას. არ ავშორდებით. გარწმუნებთ, რომ ღრმად აქვს გადგმული ფესვი თქვენი მადლიანი ხელით ნათესს, რომელიც დროზე ნაყოფსაც მოგვცემს. კერას, თქვენი წყალობით არ გაციებულს, ღრმად ულვივის გულში ნაკვერცხალი, რომელსაც შეუძლიან ძლიერი ცეცხლის გაჩენაც.“

ღამით მიაღწიეს ფანრებითა და მაშხალებით განათებულ სოფელ სორს, სადაც ვახშმად ბიჭია

გოცირიძესთან დარჩნენ. თამაღამ, ონისიმე მინ-დელმა, მერძნობიარე სიტყვით შეამკო მგოსანი, მისი მხლებლები, მასპინძლები და მოზარდი თა-ობა.

მეორე დღეს დააოვალიერეს სორის ძველი ე.წ. ჯვარცმის ეკლესია, რომელიც მეცხრე საუკუნეს ეკუთვნის.

არანაკლები პატივისცემით მიიღეს აკაკი ონში. დაბის შესავალში, საზეიმოდ მორთულ კამარას-თან, აკაკის მხურვალე სიტყვა უთხრა დავით კერესელიძემ.

პოეტს წარუძღვნენ ეკლესიისაკენ. გალავანთან მას ქალთა სახელით მიესალმა პელაგია ყიფიანი (დიმიტრი ყიფიანის მეულლე). ის შეეხო აკაკის ქმნილებაში დახატულ ქალთა სახეებს, მისი მაღლიანი კალმის ცხოველმყოფელ ძალას.

„ეკლესიაში პოეტს ჯვრით მიეგება დეკანოზი მათე გორდეზიანი, რომელმაც მიმართა მას შემდეგი სიტყვით:

„თქვენ მოვლეთ ჩვენი სამშობლოს თითქმის ყველა კუთხე და ყველგან შეიტანეთ სიცოცხლე და სიხარული. ახლა სდგახართ ჩვენ წინაშე. ჩვენ ვსტკბებით, რომ ვხედავთ თქვენს გადაშლილს,

წათლით მოსილს და ჭკუაგრნებით გაბრწყინვებულ
შუბლს, რომელიც მუდამ სამშობლოს ბეღნიერე-
ბის ზრუნვაშია. თქვენს ცეცხლივით ანთებულ
თვალებს, რომელიც მუდამ გუშაგად უდგას ჩვენს
სამშობლოს, ძილი არ მოჰკიდებია და არც ერთი
მომენტი მის ცხოვრებაში შეუმჩნეველი არ დარ-
ჩენია. დღეს ჩვენ სიხარულს საზღვარი არა აქვს.
ჩემს სუსტ ენას არ ძალუძს გამოსთქვას ის გრძნო-
ბანი და აზრები, რომლებსაც თქვენ ჩაგვაგონებთ.
საქართველოს ფირუზ ცაზედ შუქურ ვარსკვლა-
ვად ხართ აღმოცენებული, ნათელს ჰაფენთ და
აცისკროვნებთ ჩვენს ეროვნულ ცხოვრებას, რომ-
ლის შეგნებას თქვენ მკვიდრი საძირკველი ჩაუყა-
რეთ. თქვენ აღამალლეთ და განამტკიცეთ ჩვენი
ენა და ზნეობა. თქვენ დაგვიმტკიცეთ, რომ დი-
დებული სახელი ქართველსაც შეუძლია მოიპოვოს,
რის გამოც მტკიცედ გვწამს, რომ ის ერი, რომე-
ლიც შემქმნელია ასეთი ზენა კაცისა, არასოდეს
არ მოკვდება და თავისი არსებობა ოქროს ასო-
ებით შეუძლია ჩასწეროს მსოფლიო ისტორიაში.
გაიხარეთ და გამხნევდით, რომ თესლმა, თქვენი
კურთხეული მარჯვენით ნათესმა, ნაყოფი მოუტა-
ნა შენს საყვარელ სამშობლოს, რომელიც შენთვის

ხატია და მის წინ მხადა ხარ დაიწვა, კითა სახ-
თელი. სამაგიეროდ საქართველოს ერმა თვით
თქვენ ჩაგისახათ გულში ხატაჲ და მის წინ მუდამ
უამს აღანთებენ იმ დიდებულ იდეალებს ძმობისა
და სიყვარულისას, რომლებსაც თქვენ ჩაგვძახო-
დით.

აწ ვიღებ ხელში წმინდა ჯვარს და გლოცავ
მით, ვევეღრები მას, ტანჯულს სიმართლისა და
ჭეშმარიტების მღალადებელ ქვეყნის მაცხოვარს,
რათა სიმართლით განაგრძოს თქვენი ძვირფასი
სიცოცხლე ჩვენდა სასიხარულოდ.“

ეკლესიის მგოსანი მიიყვანეს ბალში, სადაც
საზოგადოებამ შეუნელებელი ინტერესით მოისმინა
აწ დამსახურებული პედაგოგის ნიკო გიორგობია-
ნის სიტყვა.

„ილიას სიკვდილის შემდევ,—სთქვა ნ. გიორ-
გობიანმა,—თქვენ შეიქენით ერთადერთი იმედი
და დიდება საქართველოსი, თქვენ მიიპყრეთ მთე-
ლი ერის ყურადღება.“

არასოდეს რაჭველებს თქვენ ისე არ ჰყვარები-
ხართ, როგორც დღეს. მათ არასოდეს თავიანთი
თავი იმდენად არ ჰყვარებიათ და არ დაუფასე-
ბიათ, რამდენადაც დღეს. რაჭველი დღეს ამაყობს
და თავს ბედნიერად სთვლის.

მიმოიხედე, დიდებულო სტუმარო! აი ესოდენი ხალხი თქვენ მოგელოდათ. მის სიხარულსა და ოლტაცების საზღვარი არა აქვს, ოდეს თქვენი ხილვის ლირი გამხდარა. მერე რომ იცოდეთ ზოგიერთი რა სიშორიდანაა აქ მოსული. შინ დარჩენილან მხოლოდ მოხუცი და აკვნის ბავშვები. დღეს ისინიც თქვენს ხსენებასა და ქებაში არიან.

გლეხის ლარიბ ქოხში მშობელი დედა აკვანს მისჯდომია, მას თითქმის სრულიად დავიწყებია უოველდლიური ოჯახური საქმიანობა და რაღაც ციური იმედებით სახეგაბრწყინვებული თავის პატარა საყვარელ შვილს თქვენს ტკბილ ნანას უმღერის და თქვენი სახელით ეალერსება. დიახ, დაბეჩავებულს, უგზოუკვლობით შეწუხებულს, კულტურულ ცენტრს მოწყვეტილს რაჭის დოდიხანია არ ლირსებია ამისთანა მხიარული დღე.

ან კი საიდან, როდესაც ჩვენს მრავალტანჯულ ქვეყანას სასიხარულო დღე სანატრელად გადაჰქცევია. თითქმის სრულიად მოსპობილა საქართველოში ეროვნული სამხიარულო თავყრილობანი და მათი ადგილი სამგლოვიარო დღეებს დაუკერიათ.

1896 წლის სუსხიან ზამთარში შეიკრიბნენ აურაცხელნი ქართველნი ქ. ქუთაისში, რათა სა-

შუდამოც გამოსოხვებოდნენ ყოვლად სამღვდელო გაბრიელს, რომლის მაღალზნეობრივი პიროვნება ასე აშუქებს და აბრწყინვალებს ჩვენს ღვთის-შობლის წილხვდომილ ქვეყანას.

1907 წელს, წიწამურის გზაზე, მტარვალის ხელიდან გასროლილმა ტყვიამ ხომ სულ ერთიანად აატირა მთელი საქართველო. ქართველ ერს მზე დაუბნელდა. სამშობლოს მოღალატემ ილიას ტყვიით გული განუგმირა. დაობლებულს ქართველებს კიდეც შეიცათ საბედისწერო შემთხვევა შეკრებილიყვნენ ერთად, რომ დედაქალაქ თბილისის ქუჩები და მამადავითის გორა ცხარე ცრემლებით მოერწყოთ.

ან გაიხედეთ დიდუბისაკენ. გლოვის ზარია. მოზღვაცებული, გულჩათუთჭული ქართველი ერი შავს მიწას აბარებს საუკეთესო მამულისშვილს, დიდ პედაგოგს იაკობ გოგებაშვილს და ეს ზარის ხმა ჯერ კიდევ არ შეწყვეტილა. ჯერ ჩვენს თვალზე მდუღარე ცრემლი არ გამშრალა. აი ამ ეროვნულ მოთქმა-გოდების დღეს თქვენი აქ მობრძანება ჰეშმარიტალ იგივეა, რაც მესიას ქვეყნად გამოცხადება. დიდი მაღლობის ღირსნი არიან ყველა ისინი, ვისაც თქვენი აქ მობრძანებისათვის ხელი შეუწყვიათ.

განა ჰყოლია საქართველოს თქვენისთანა ჭირისუფალი? ან ვის შეეძლო თქვენებრ სისწორით გაეთვალისწინებინა ის უკულმართი გზა, რომელზედაც მონობამ ჩვენი სამშობლო შეაყენა.

ვის უტირებია, ვის უუღერებია მკვნესარე ჩანგი სამშობლოს დიდებისათვის ისე, როგორც თქვენ? ვინ იცის რამდენი ძილი გაგტეხიათ და რამდენი ცხარე ცრემლი თქვენ ისე დაგიღვრიათ, რომ ჩვენ არც გაგვიგია.

ბარბაროსა მტრებისაგან მრავალგზის შეწუხებული ჩვენი სამშობლო სიკვდილის კარამდე ვერ მიიყვანეს. როგორ შეიძლება მოსპობა იმ ერისა, რომელმაც წარმოშვა ისეთი მსოფლიო მნათობნი, როგორიც არიან დავით აღმაშენებელი, თამარი, შოთა რუსთაველი, გაბრიელი, ილია ჭავჭავაძე და თქვენ, ძვირფასო აკაკი! თქვენს მიერ სამარალისოდ უკვდავყოფილია ქართველი ერი, მისი ენა, პოეზია, აზროვნება და მწერლობა. გაღავარების უკულმართ გზას ბოლო მოეღება. სანატრელი გაზაფხულის დილის ცისკარმა კაი ხანია გამოანათა!..“

ონში მოეწყო აკაკის ცხოვრებისა და შემოქმედებისადმა მიძლვნილი საღამო, სადაც პოეტი და

დამსწრენი ძლიერ გააკვირვა ახალგაზრდა ქალი-შვილის, მარიამ წერეთლის, წარმტაცმა სიტყვამ, მისმა ორატორულმა ნიჭმა.

მარიამ წერეთლის სიტყვა ასეთი იყო:

„იშვიათო მოხუცო! ფრიად სასიამოვნო, მაგრამ მეტად ძნელი ხვედრი მარგუნა ბედმა: მოგესალმო და ქებათა-ქება გიძლვნა ჩემი უმწეო ენით, შენ, ივერიის მშვენებას. ბედნიერი ვარ მით, რომ დიდი მგოსანი, ერის გუშაგი, რომლის სევდიანი ჰანგები თავს დასტირიან წამებული ივერიის ბედილბალს, დღეს პირველად ეწვია ბედკრული საქართველოს ერთ მშვენიერ კუთხეს—ჩემს საყვარელ სამშობლო რაჭას.

მოვსულვარ შენ საქებ-საღიდებლად და თანაც მთის შიკრიკის—ცელქი სიოს და მთა-გორების დანაბარები სალამი თავისუფალი მუზის ამაყი მთებიდან თან მომიძლვნია.

მოელვარე მთის პატია ჩანჩქერნიც საამურად ეკონებიან ნეტარი დღით დამთვრალს აზვირთებულ ფაზისს და ტალღათა სრბოლაში ამ სტიქიონურ ძმურ ხვევნა-კოცნით გამოსთქვამენ და მაბარებენ სალამს შენდამი, დიდებულო შვილო ტანჯულო ერისავ!

ბუნება ხარობს, გიგალობს, და ჩვენც უფრო
გვმართებს მხიარულება. კიდეც შემოვკრიბით და
შეერთებით ხმაშეწყობილად ვუგალობთ წმინდა
საგალობელს ჩვენს ღვთაებას, წმინდათა წმინდას,
ხელოვნების ქურუმს.

დღეს ჩვენც, რაჭველები, ვდღესასწაულობთ
იმ გმირთა გმირის დღეს, რომელსაც ხმლის ნაც-
ვლად, ცრემლში ნალესს, ნაღველში ამონაწები კა-
ლამი ხელთ ეპყრა 50 წლის განმავლობაში, და-
ულალავად დარაჯობდა ქართველ ერს, სიმართლის
კერას, ბოროტებას ებრძოდა და უგერიებდა ბედ-
კრულ ივერიას ბუზებივით მოზუზუნე მტერს.

ლრმად გვრწამს, რომ ივერიის ბედ-ილბალი
არ მოკვდარა. გაღვიუდება დარჩენილი ნაპერწკა-
ლი და ლვოიურ ცეცხლად აღიგზნება.

არ მოკვდება ის სატრფო, რომელსაც შენებრ
მოტრფიალე გვერდით უზის, არ მოკვდება ის
ერი, რომელსაც შენებრ მებრძოლი ჰყავს. მაშ,
აულერე, მგოსანო, ეს ჩანგი შენი. მხოლოდ შენ-
და დაგვრჩენიხარ. შენა ხარ ჩვენი დედა, მამა,
გამხარებელ-დამტირებელი და ერის საქებ-სადი-
დებლად ნუ დაგვავიწყებ იმ ტკბილ ენას, რომ-
ლითაც თამარ მეფე ბრძანებას სცემდა.“

მეორე დღეს ბალში გაიმართა უჩვეულო ლხინი. სუფრას სამასზე მეტი კაცი უსხდა. „ყველა აქ მყოფი, — სწერს ლ. ბზვანელი, — აუწერელ ალტაცებასა და სიამოვნებას გრძნობდა. ბუნებაც ხარობდა. ამინდი მშვენიერი იდგა. გრილი სალამო იყო. მთა „შოდა“, ლურჯი ნისლით დაფარული, ამაყად დაგვყურებდა. გულისამატკივებელი ზურნის ხმებს და ონელების ფერხულზე სიმღერას მდ. რიონიც თავისი დუღუნით ხმას აძლევდა. ნელი სიოც არ გვაკლებდა პატივისცემას“.

წარმოითქვა მრავალი სადღეგრძელო. განსაკუთრებით საყურადღებო იყო ივანე წულუკიძის სიტყვა:

„სასიქაღულო მამულის შვილო! წარმოიდგინეთ ბნელი ჯურლმული, სადაც უნასნი დაუსრულებლივ სისინებენ, სადაც ტანჯვა-წუხილი და გულის შემზარავი კვნესაა; არსაიდან ხსნა, არსაიდან სინათლე, ყველგან საშინელი წყვდიადია. მოულოდნელად წერაქვი კაფსა სცემს, ქვა. ნაპერწკლებს ჰყრის, და მათი ალით წყვდიადი ჰქრება, ნათელს თან მოსდევს საერთო ხსნა და ნეტარება. აი, ამგვარად, ჩვენი სამშობლო სულსა ლაფავდა წყვდიადის ქვეშე, ბევრი ქვემძრომი და სხვა უნასნი

შეიმს მართავდნენ მის სივრცეზე. ამ დროს წერაჭვად თქვენ მოევლინეთ, კაუს მაგრად დაპკარით და ნაპერწკალმა ანაზღეულად წყვდიადი გაპტანტა... აწ კი ყველას იმედი გვქონდეს, რომ ვერ გაუძლებს ჯაჭვი ამირანს და ტარიელ-ავთანდილ-ფრიდონი გამოიხსნიან ნესტან-დარეჯანს.

ამიტომ:

ნეტარ სარ შენა! შენ არ გჭირია,
ჩვენგან დიდება აღტაცებული,
არც არა ძეგლი მოკლე დროითი
და დროებითვე განათებული.

შენ გასულდგმულებს სულ სხვა რამ მადლი,
შენ უკვდავად გქმნის ზენაართ ძალი,
ქანდაქს გიმზადებს აწმყო უმჩნევლად
და გაცისკროვნებს თვით მომავალი.⁴

სიტყვებით გამოვიდნენ ექიმი დავით ჯაფარიძე, ნ. ჩერნოვი და ებრაელთა წარმომადგენელი ფილხაზ შიმშილაშვილი.

გამოსათხოვარ სიტყვაში აკაკიმ დიდებული ტიღებისათვის უსაზღვრო მაღლობა გამოუკხადა ონის საზოგადოებას.

ამ ნადიშვე გენიოსმა პოეტმა ჩინებულად გან-
სჭრიტა საქართველოს მომავალი, მან კაცობრი-
ობის მხსნელი გმირთა გმირის მოსვლა იწანასწარ-
მეტყველა. მაღლიერი შთამომავლობა ამ სიტყვას
მუდამ კრძალვით მიიღებს და გულში სათუთად
შეინახავს. აკაკიმ წარმოსთქვა შემდეგი სიტ-
ყვა:

„ბატონებო! თქვენი მხიარულება მეც გაღმო-
მედვა. როგორც თქვენ, მე კიდევ უფრო ვარ აღ-
ტაცებული იმიტომ კი არა, რომ ეს ლიტანიობა,
რომელსაც მე აქ ვხედავ, ჩემგანაა გამოწვეული,
არა, სულ სხვა მიზეზით. მე ვხედავ, რომ თქვენ
უკვე გამოღვიძებული ხართ. არა ხართ კმაყოფი-
ლი აწმუოთი და მიისწრაფით მომავლისაკენ. თქვენ
ეძებთ სწორ გზას, გინდათ რომ გყავდეთ წინამძღო-
ლი, რომ მოგევლინოთ მესია და, ნამეტანი სურ-
ვილით გატაცებულნი, აჩქარებულხართ და მე
გვონივართ ის წინამძღვარი. მე მისი აჩრდილიც
არა ვარ, მე უბრალო წინამორბედი ვარ.

ის გმირი, რომელმაც უნდა გასწყვიტოს ჯაჭვი
და აუშვას ამირანი, სხვა არის, ის მოგევლინებათ
ახალი მოღვმისაგან.

როდესაც იოანე ნათლავდა ხალხს იორდანეში,

ებრაელებს ის ეგონათ მესია. მას ჰქითხეს: შენ
ხარ მესიაო?—არა, მესია ის არის, რომელიც
ახლა ჩვენსკენ ნელ-ნელა ეშვებაო. მე ნათელს
გცემთ თქვენ წყლით, ის კი—სულიწმინდით.

მე ღირსი არა ვარ ამ შედარებისა, მხოლოდ
მაგალითად მომყავს ამ აღფრთოვანების დროს.

აღსრულდა ითანე ნათლისმცემელის სიტყვები,
მოევლინა ქვეყანას მაცხოვარი.

სწორედ ასევე მოევლინება საქართველოს მისი
შესაფერი გმირი, რომლისაც ღირსი არა ვარ
ხამლი გავხდე ფერხთა მისთა. და თუ მე, მცირე
მახარობელს, უბრალო მომაკვდავს, ასეთი აღტა-
ცებით მეგებებით, მაშინ რაღა იქნება, როდესაც
ნამდვილი გმირი მოგევლინებათ! თქვენ მაშინ უფ-
რო აღტაცებული იქნებით და მეტი მომზადებუ-
ლი შეხვდებით იმ გმირთა გმირს.

მე მხოლოდ დამრჩენია ერთი: ჩავიკრა გულში
თქვენი მოლოდინი, სიყვარული, პატივისცემა და
უკანასკნელად სვიმონ მოხუცივით წარმოვთქვა:
„აწ განმიტევეთ მე მონა თქვენი“!..

დეკანოზმა მათე გორდეზიანმა აკაკის უთხრა
საპასუხო სიტყვა:

„ღირსეულო მგოსანო! თქვენმა უკანასკნელმა

სიტყვებმა ცოტა ნაღველი გადაასხა ჩვენს მხია-
რულებას. სეიმონ მოხუცებულს ღვთისაგან ჰქონ-
და ნაბრძანები არ მომკვდარიყო. მანამ, სანამდე
არ იხილავდა მესიას, მხსნელს ქვეყნისას. და ეს
ასევე მოხდა. ოქვენ კი გვპირდებით მის მოსვლას
თქვენ შემდეგ. არა, დიდებულო მგოსანო, ოქვენც
თვით ზეციდან ხართ მოვლენილი ჩვენი სამშობ-
ლოსათვის, რომელსაც მთელი არსებით ეკუთვნით
და ამიტომ არ გაქვთ უფლება სთქვათ—განმიტე-
ვეთო. უნდა იცოცხლოთ მანამ, სანამდე თქვენ
თქვენს მკლავებზე არ მიირქმევთ იმ მესიას!..“

მსგავსი წინასწარმეტყველური სიტყვით აკაკიმ
მიმართა კახელებს 1911 წელს, 21 ივლისს, ილია-
ობის მეორე დღეს, თელავში:

„ის ხალხი, რომელსაც ჰყავს ვახტანგ გორგას-
ლანი, დავით აღმაშენებელი, თამარი, დიდი მო-
ურავი, რუსთაველი, პეტრიწი და სხვები—მსოფ-
ლიო გმირები, კიდევ წარმოშობს ისეთ გმირს,
რომელაც მას ესაჭიროება და სიხარულით მოე-
ლის.“

მგოსანი ბინამდი გააცილეს და მოასვენეს. ბალ-
ში ლხინი დილამდის გაგრძელდა. მთელი ონი
განათებულ-გაჩირალდნებული იყო.

ონში აკაკიმ ღამე გაათია დავით გოცირიძის
სახლში. ამჟამადაც დაცული არის კედელზე მგრე-
ნის მინაწერი:

სტუმართოყვარეობა
რაჭველთა განთქმულია,
მაგრამ სტუმრის გულშიაც
მათი სიყვარულია.

აკაკი და მისი თანამგზავრები დაბრუნდნენ
ლეჩეუმში. გაეძართნენ ლაილაშისაკენ.

ერთი ღამე მათ დაპყვეს ბარაკონში, აკაკიმ
მონათლა შამადაფლე ერისთავის შვილიშვილი;
ხვანჭკარაში ნახეს თავადი დიმიტრი ყიფიანი,
რომლის განთქმულ ღვინის მარანში პოეტს და-
ემშვიდობნენ.

გ. ლორთქითანაძეშ წარმოსთქვა გამოსათხოვა-
რი სიტყვა:

„თქვენგან გამოწვეულ სიხარულს თქვენი მოშო-
რებით თანდათან აკლდება ძალა ისე, როგორც
დღევანდელ დღეს სინათლის სიცხოველე ქვეყნას
მანათობელი მზის ჩასვლით. მხოლოდ ის იმედი
გვასულდგმულებს, რომ, როგორც ხვალ ეს მზე
ამოაშუქებს, ისე თქვენი ვენია კვლავ აგვიტოკებს

გულს განახლებული ძალით და არასოდეს შოგვ-
შორდება.

გაგვიძეს წინ, დიდებულო მგოსანო, რომ
არ დავლაჩრდეთ, არ დავკარგოთ ქართული ელ-
ფერი, ზნე-ჩვეულებანი და განვამტკიცოთ ძმობა,
ერთობა და სიყვარული.

მომავალნი შვილნი საქართველოსი იმ ხელთ-
უქმნელ ძეგლთან, რომელიც თქვენ დაიდგით,
გვერდით აგებენ ხელთქმნილ ძეგლს და მასზე
ოქროს ასოებით თქვენს სახელს მიაწერენ.“

იროდიონ სურგულაძემ (შემდგომ იურილიულ
მეცნიერებათა დოქტორმა, გარდაიცვალა 1944 წ.)
აკაკი ასე აღლეგრძელა:

„როგორც უნიჭიერესმა პოეტმა, თქვენ დიდად
გაუსწარით წინ თანამედროვე ცხოვრებასა და
აზროვნებას. ამისათვის თქვენი ღირსეული დაფა-
სება მომავლის ხელშია, მხოლოდ მას შეუძლია
შესაფერი გუნდრუკი უკმიოს თქვენს პოეზიას.

ჩვენ—თანამედროვე ხალხი ვგრძნობთ თქვენს
მნიშვნელობას, მაგრამ თქვენი დაფასებისათვის
ლონე არ შეგვწევს. ჩვენ შეგვიძლია დავსტკბეთ
პირველი სხივების ელვარებით, შეგვიძლია ვუმზი-
როთ ამომავალ მზეს, მაგრამ მისი შუადლის

სიბრწყინვალისათვის ძლიერ სუსტია ჩვენი თვალები.

მწარე და მოშხამულ ღროს, სევდით მოცულ ერში, აუღერდა თქვენი ჩანგი და მას აჰყვა მთელი საქართველო და, როგორც ოდესლაც დაჩაგრულ ბეოტიის გლეხებს ევლინებოდნენ მუზები და მათ ცხოვრებაში შეჰყავდათ ბეღნიერების სხივი, ისე მთელი ტანჯული საქართველო ფართოდ დაეწაფა თქვენი პოეზიის ნაკადულს და მასში ჰქოვა იმედი და სიხარული.

მგოსანს, რომელმაც სამშობლო ხატად აღიარა და მთელი ქვეყანა სახატედ, რომელიც ტარიელივით თავგანწირულად დაეძებდა თავის სატროს - საქართველოს ბედს, ეთაყვანებოდა და ეთაყვანება მთელი საქართველო.

ქართველი ქალი, აკვანთან დამჯდარი, ყურში ჩამლერის თქვენს ლექსებს პაწაწინა ყვავილს და მის თვალებს, შორს, მომავლისაკენ მიჰყრობილს, წინ ეხატება საუცხოო ვაჟკაცის სახე, რომელმაც საქართველოს ბედი, მეორე პოეტის აზრით, ბაზალეთის ტბის ძირში ჩამარხული უნდა ჰქოვოს.

ყოველივე ამისაოვის ქართველი ერი, კერძოდ, კი რაჭა, დღეს თქვენ გაჯილდოებთ ღრმა და

შულწრფელი სიყვარულით, ბუნება კი—უკვდაფებით. საუკუნეები გაჰყვებიან საუკუნეებს, თქვენ კი ყოველ თაობაში ახლად და ახლად აღმოცენდებით. თქვენ მედგრად უცხადებთ ბრძოლას დრო-ჟამს და მანაც ძალაუნებლიერ თავი უნდა დახაროს თქვენ წინ, მისი შემმუსვრელი ცელი გვერდზე უნდა გადასდოს.“

გლეხმა ამირან ლომთაძემ, შეეხო რა აკაკის პოეზიის შემოქმედებას, სთქვა:

„ჩვენო ერის სიამაყევ! მე მმართებს თქვენი უგულითადესი სადლეგრძელო იმიტომ, რომ თქვენმა მადლიანმა კალანმა გამომიყვანა მე—გლეხი ცხოვრების ასპარეზზე. მე გლეხი ვიყავი, შავს ზეწარში გახვეული და არ ვიცოდი, თუ ჩემში აღამიანობა იყო, რის გამოც მე სასოწარკვეთილი დალონებას ვიყავი მიცემული. ამ დროს მე შემეკითხა ჩემი ბატონი მოწყენის მიზეზს. რაღგანაც მე არ შემეძლო ჩემი საიდუმლო აღსარების გამოთქმა, სწორედ ამ დროს მომეშველა თქვენი მადლიანი კალამი და მჭერმეტყველური ენა, რომელმაც გასცა მას ჩემი პასუხი შემდეგი სიტყვებით:

რომ იცი, რაღას მკითხავ,
ასე რისთვის ვღონდები,

მისთვის, ჩემო ბატონო,
რომ სულ შენ მაგონდები.

პირუტყვივით მიმონებ,
მფლობ და არ გეცოდები,
მაგრამ, ჩემო წამწყმენდო აქ,
იქ შენ ვერა ცხონდები!..

თქვენი უებრო ბაგეებიდან ამ სიტყვების ალ-
მოთქმისთანავე შემოაშუქა ბრწყინვალე ჩაუქრო-
ბელმა სხივებმა, ჩემი ბახლის ლარ-კავში დაისაღ-
გურა მჭვარტლიან სხვენზე, გამინათა კერია და
სოხანე. ახლა კი იღება ჯიჯვეი ხის კარი და ლა-
მობს ის ბრწყინვალე სხივი ჩემი ეზო-გარემოს გა-
ნათებასაც.

დღეს კი შეკავშირებულვართ მოელი ერი და
მივიღობით მომავლისაკენ.

მხცოვანო ჩვენო მგოსანო,
სულო და გულო ქართვლისა,
ერისა გამლვიძებელო,
მაკლერო ტკბილი ჰანგისა

სადლეგრძელოს გეახლები
და განოვცელი ამ კათხასა,
თქვენსა ჭირსა შიგ მოვამწყვდეთ,
რომ გვეყოლო მრავალ ხანსა!..

ლექსები წაიკითხეს ი. ისაკაძემ და ა. კიკოშვილმა.
ჭრებალოში, საუზმის დროს, ქაიხოსრო გე-
ლოვანმა აკაკის საჩუქრად მიართვა ძველებური
ვერცხლის აზარფეშა, წონით ხუთი გირვანქა, და
ეს ლექსი:

ნიჭით მდიდარო, მიიღე,
ნიჭით ღარიბის ძღვენია,
შენ გააღვიძე საერთოდ
შენი ივერის ძენია.
იცოცხლე კიდევ მრავალ წელს,
იყავ ჯან-ლონით; მრთელია,
რუსთველის ლირსო მემკვიდრევ,
დიდხანს გვინათე ბნელია!..

სტუმრებმა გვერდით გამოუარეს საირმის უდაბ-
ნოს. აჭარის ხიდთან (ალპანაში) მორთულ კამა-
რაზე ეწერა: „სალამი მგოსანს, სალამი კაკოს, სა-
ლამი ძვირფასს, ჩვენს საამაყოს“.

ალპანელებმა თოფ - დაშბაჩები დასცალეს.
მდ. ლაჯანურში ნალმები ააფეთქეს. ასე ამცნეს
გარემოს სტუმრის მობრძანება.

აქ შეკრებილიყვნენ საირმის, ზოგიშის, ალპა-
ნისა და აჭარის მცხოვრებლები,

ან. კეჭალმაძე მიესალმა პოეტს და მიართვა

ჭიქა, ვერცხლის ჩასაღვამით. სიტყვა სთქვა მოწაფე შ. ახვლედიანმა.

მასწავლებელმა სამსონ ფრუიძემ ლექსი ასე დაამთავრა:

გაბრწყინდეს ჩვენი სამშობლო,
აყვავდეს ჩვენი ერია,
ვისთვისაცა წარ მედგარი
მნათობი მშვენიერია.

გაცილების დროს აკაკის თანხმობით ნაღმები ისევ ააფეთქეს და თოფ-დამბაჩები დასცალეს.

ალპანასთან რიონს ერთვის ანკარა მდინარე ლაჯანური. მეტად ჟიწრო და ულამაზესი ხეობა, რომელსაც გიუმაჟი ლაჯანური ამშვენებს, ალპანასა და ჭილეშს შორის მყოფება და ოთხი კილომეტრი სიგრძე აქვს. თვალუწვდენელი სალი კლდეების ძირში გზატკეცილი მიიკლაკნება. ბობოქარი და არაგვიანი ლაჯანური ძალუმად ეხეთ-ქება ვიწრო ნაპირებს. მის ხმას საკვირველი კლდეები ეხოდ გამოსცემენ. შუა ხევში, ე. წ. ბებურიშვილის წყაროს პირდაპირ, მაღლა, შიშის-მომგვრელ კლდეში ცხადად ჩანს ქვაბული, სადაც ნახევარი საუკუნის წინ ერთი მწირი ცხოვრობდა. ამ ხევს ორპირს უწოდებენ.

ალპანიდან ორპირის გზით გასწიეს ლაილაში-
საკენ. აკაკი მოხიბლა მდ. ლაჯანურის ხეობამ.

ჭილეშში გადაუხვიეს და ლაილაშში მიმავალ
აღმართს შეუდგნენ.

ლაილაში უმშვენიერესი დაბაა. ივი მდება-
რეობს ლეჩეუმის ჩრდილოეთ ნაწილში მდ. ლა-
ჯანურის მარცხენა ნაპირიდან 5 კილომეტრის.
დაშორებით.

ლაილაში გაშენებულია მაღალი მთის კალ-
თებზე და გადაჰყურებს მეზობელ სოფლებს. აქე-
დან იშვიათი სანახაობა გვიპყრობს, წარმტაცია
ლეჩეუმის ხედი: შორს, დასავლეთისაკენ, მოჩანს
ხვამლი, თვალი სწვდება სვანეთისა და რაჭის
მწვერვალებს, ახლოს ვხედავთ ძუღურის, ლეხე-
რის, გველითავისა და სურმუშ-საირმის მთებს;
ორბელის ციხეს; მცხეთის, გუდულაშისა და შხუ-
დალას სალოცავებს. თვალშინ გადაშლილია მდი.
ნარე ლაჯანურის ხეობის გასწვრივ გაშენებული
სოფლები: სურმუში, თაბორი, ნაკურალეში, ცხუ-
კუშერი, ლვირიში, უსახელო, უცხერი, ხოჯი, სპა-
თაგორი, ლაცორია, მცხეთა, ლესინდი, ლეშკედა,
წილამიერი, ორბელი, ღუ, ლაჯანა და გაგულეჩი.

ლაილაშში თავი მოეყარა მახლობელი სოფლე-
ბიდან მოსულ მრავალრიცხოვან ხალხს.

ოქრონიშის წყაროსთან, ხალიჩებით მოფენილი და უარდ-უვავილებით ავსებული მთავარი შუკის თავში მგოსანს პურ-ღვინო შემოაგებეს და მანდილოსნებმა მიართვეს აბრეშუმისაგან შეკერილი გული, შემკობილი პურის თავთავების გვირგვინით.

სოფლის სასწავლებლის ეზოში (ბაღში) სიტყვები და ლექსები წარმოსთვევს.

დავით ლეშკაშელმა პოეტს უთხრა შემდეგი სიტყვა:

„როდესაც მარჯვე ბეჯითი მიწის მუშა თავის საყვარელ ყანაში შრომობს, იგი სრულიად არ შეუშინდება არც გულისშემაწუხებელ პაპანაქებას, არც წვიმა-ქუხილ-ელვის და გულდადებით განაგრძობს დილიდან სალამომდე ოფლით შრომასა. დაასრულებს რა მიწაში თესლის მიბარებას, დროდადრო მოინახულებს ნაჭირნახულევს და, ოდეს ნახავს ნაშრომს აღორძინებულს, უხარია, ავიწყდება უსიამოვნება, რომელიც განიციდა მუშაობის დროს.

მის მსგავსადვე, თქვენ მოლვაწეობთ საჭართველოში, აღაფრთოვანეთ ქართველი ერი, დააყენეთ წინსვლის გზაზე და, ვითარცა ნათლის სვეტი, წინ უძლვით მას.

თქვენი ოფლი არ დაღვრილა უნაყოფო აღაგს. თქვენი მაღლიანი ხელით ამოძრავებული კალამი

არ შესტეხია ცივ კლდეს. მას უპოვნია ნოყიერი ნიაღაგი ქართველი ერის გულში და თქვენი შრომა ერთი ათასად ნაყოფიერი ქმნილა. გადმოხედეთ თქვენი მობრძანებით აღფრთოვანებულ ჩვენს მხარეს, დარწმუნდით და გიხაროდეთ, რომ თქვენი შრომა აღორძინებულია და ქართველი ერი კიდევ მოელის თქვენგან გამოფხიზლებასა და გმირთა ძებნას“.

მელქო კაჭკაჭიშვილმა აკაკის მიუძღვნა თექვს-მეტმარცვლოვანი შაირით დაწერილი აკროსტიხი, რომელშიაც მან გამოხატა იშვიათი სტუმრის ხილვით გამოწვეული საერთო აღტაცება.

აღფრთოვანდა, აგუგუნდა თქვენი ნახვით ლაილაში, კიდით-კიდემდე გაისმის მხიარული ხალხის ტაში, ადიდებენ თქვენსა ნაშრომს და გაფრენენ მაღლა ცაში, კალაში რომ დაგიფასონ, ყველა არის ამის ცდაში, ივერიის დიდება ხარ, სათაყვანო ყოველ გვარში!.. საუნჯე ხარ მამულისა, ბარად იყო, თუნდა მთაში,

აკაკი გულითადი მაღლობითა და კოცნით მიეგება ამ ხოტბის ავტორს.

ხალხის წინ ებრაელთა წარმომადგენელი ბიჭია მეგრელიშვილი წარსდგა. მან სთქვა:

„მხცოვანო მეოსანო! ყოველ დაჩაგრულთათვის დიდი იმედის მიმწოდებელო. შეგღალადებთ ლაილაშის დამიწამტვერებული ებრაელები, რათა

ჩვენც შეგვავედროთ იმ ზენარს, რომელმაც თქვენ ზეციური ნიჭით და სანეტარო ჰანგით აღგავსოთ, რომ თქვენს მამულში ჩვენც დაგვბადებოდეს თქვენისთანა ნიჭიერი აღამიანი, რომელსაც განემარტოს ჩვენთვის თქვენი შარავანდედით გაბრწყინვებული კალმის ნაშრომი და მოეძლვნას დავითის ქნარით თქვენი შესაფერი ქებათა-ქება, გაღვიძებულიყოს საღათას ძილისაგან მიძინებული და დავიწყებული სიონი და აღბეჭდილიყოს ჩვენს ისტორიაში ჩვენივე ეროვნული ანბანით თქვენი უკვდავი სახელი!..“

ბაღში ნაშუადლევს გაჩაღდა უჩვეულო ნადიმი. ითქვა მრავალი სიტყვა, ლექსი, სიმღერა, დასკალეს თოფ-დამბაქები, მგოსნის საამებლად ცეკვა-თამაში გაიმართა.

თამაღამ ერმალო გელოვანშა, რომელსაც ცალხელში ვერცხლის ჯონი ეჭირა და მეორეში კი ყანწი, პოეტს ასე მიმართა:

„ბატონო აკაკი! თქვენ კარგად მოვეხსენებათ, რომ წინათ გვყავლნენ დიდებული მწერლები და მათში მხოლოდ ერთი რუსთაველი იყო ცნობილი და არის. მას იცნობენ როგორც მწიგნობარნი, ისე არა მცოდნენი მწიგნობრობისა. ყველანი ერთნაირად ღალადებენ მასზე. იშვიათად ხდება, რომ

ქართველმა მხიარულების ან მწუხარების დროს არ იხმაროს მისი სიტყვები. მწუხარების დროს გასამხიარულებლად და გასამაგრებლად, ხოლო მხიარულების დროს თავისი მდგომარეობის უფრო ძლიერ დასახატავად.

ჩვენს დროშიც გვყვანან საამაყო მწერლები, მაგრამ ამათში თანასწორი დიდებული რუსთაველისა თქვენ ბრძანდებით. ყველანი თქვენზე ღალადებენ და თქვენ სიტყვას მიმართავენ. მე თვით არა ერთხელ მითქვამს თქვენი სიტყვები: „რა იციან რომ ეს გული მკვდარია, რომ სიცილი ბევრჯერ ცრემლზე მწარეა“ და სხვანი. ამასთანავე უნდა მოგახსენოთ, რომ ასეთი შცირე საჩუქრის მორთმევას ვერ გავტედავდით, მაგრამ ვლებულობთ რა სახეში თქვენს წლოვანებას, ვბედავთ მოგართვათ ეს ჯოხი, რადგან „კეთილის გულით მოძლვნილი, მცირედიც შეიწირების“.

ე. გელოვანის სიტყვა ტაშის გრიალმა დაპფარია. აკაკიმ საჩუქარი მიიღო და ხალხს მაღლობა მიუძღვნა.

შემდეგ იმღერეს.

აკაკი წამოდგა, ალექსანდრეული ლვინით სავსე ყანწი ხელში აიღო და დაიწყო:

„პატონებო! მე მყავდა ამხანაგები, რომლებიც
მოღვაწეობდნენ ჩემსავით, უყვარდათ ხალხი და
ემსახურებოდნენ მას, მაგრამ ბეჭმა მათ არ არ-
გუნა ასეთი მხიარულება ხალხთან, როგორც მე,
ერთი იყო ილია ჭავჭავაძე, მეორე იაკობ გოგება-
შვილი და ახლა კიდევ მივიღეთ სამწუხარო ცნო-
ბა, რომ გარდაიცვალა პროფესორი ალექსანდრე
ხახანაშვილი. ფეხზე აღვომით პატივი ვსცეთ მათს
ხსოვნას და დავლიოთ შესანდობარი!..“

მთელი სუფრა ფეხზე ადგა.

ხალხს ძლიერ უყვარდა აკაკი. იმდენად პატივსა
სცემდნენ მას, რომ უაღრესად დამწუხრებულნიც
პირად ვაებას ივიწყებდნენ და პოეტის სანახავად
მიღიოდნენ. ორბელელმა გლეხმა პავლე გიორგო-
ბიანმა ასეთი სიტყვით მიმართა აკაკის:

„შარშან ჩემი საუკეთესო შვილი წაიყვანეს ჯა-
რისკაცად, რომელიც მკვდარ-ცოცხალი დაბრუნდა
შინ. ორი კვირაა, რაც ის მივაბარე მიწას და
ამის გამო, როგორც მხედავთ, საყვარელო მგო-
სანო, ძაძებში ვარ. მაგრამ ვავიგე რა თქვენი
მობრძანება, დამავიწყდა ჩემი უბედურება და გე-
ახელით, რათა მეც შენახა თქვენი დიდებული სახე.
ღმერთსა ვსთხოვ თქვენს დღეგრძელობას.“

იმავე დღეს გაიმართა სალიტერატურო სა-
ლამო,—აკაკიმ ილაპარაკა არქეოლოგიური ნაშთე-
ბის შესახებ, შეეხო ზეპირსიტყვაობას და მისი
შეკრების აუცილებლობას.

გამომშვიდობების დროს მგოსანს მიართვეს ორი
მოხარატებული ხის ხონჩა, მათზე დაწყობილი
შემწვარი კალმახებით.

აკაკი წერეთელი უსაზღვრო კმაყოფილებით
დაბრუნდა. იგი სწერდა: „რაჭა-ლეჩესუმში ჩემი
სტუმრობა და იმათი დახვედრა სწორედ საარაკო
და საზღაპრო რამ იყო. ვისაც თავისი თვალით
არ უნახავს და თავისი ყურით არ გაუგონია ის,
რაც მოხდა, მას წარმოდგენაც არ შეუძლია ყო-
ფილის.

განურჩევლად წოდებისა, სქესისა და ხნოვანე-
ბისა, მთელი ორი მაზრა ერთპირად ფეხზე დად-
გა და ეროვნული ალფრთოვანებით ლიტანიობდა
მომავალს. თუმცა იმ ლიტანიობის ცოტა მოზიარე
შეც ვიყავი, მაგრამ უნდა გამოვტყდე, რომ ის
მცირედიც აღემატებოდა ჩემს ლვაწლს.“

ოპერატორმა ვ. ამაშუკელმა გადაიღო კინო-
ფილმი. მან ქართულ ეკრანზე არაჩვეულებრივი
წარმატება მოიპოვა. ფილმი, რომელიც ცხადად

ასახავდა ისტორიულ სახალხო დღესასწაულს, ცხოველი ინტერესით ნახეს თბილისის, ბაქოს, ქუთაისის, ბათომის ფოთის, ზუგდიდისა და რაჭა-ლეჩხუმის მაყურებლებმა.

25 წლის ჭაბუკმა, პირველმა ქართველმა კინოპერატორმა ვ. ამაშუკელმა ამ სურათის შექმნით თვალსაჩინო ამაგი დასდო შთამომავლობისათვის.

ვ. ამაშუკელის ცნობით, ფილმი I.200 მეტრი ლენტისაგან შედგებოდა და ერთნახევარ საათს გრძელდებოდა. არსებობდა მისი ერთადერთი ეგზემპლარი.

ამჟამად სურათის ორიგინალი მწერალთა მუზეუმში ინახება.

„იმ ხანებში აკაკიმ დასწერა მოზრდილი პოემა „რაჭა-ლეჩხუმი“, რომლის შესავალი დაიბეჭდა 1912 წელს გაზეთ „თემში“.

ეს ნაწარმოები მთლიანად ორჯერ გამოქვეყნდა.

ლადო ბზვანელმა აკაკის სოფელ სხვიტორში ბოემა ხელით გადასწერა და 1934 წელს ქუთაისის ლიტერატურულ გაზეთ „სიტყვა და საქმეში“ (№ 7) მოათავსა.

პოეტ იოსებ გრიშაშვილის რედაქციით გამოცემული აკაკის სრული ნაწერების მესამე ტომში

(1941 წ.) პოემა „რაჭა-ლეჩხუმი“ დასტამბულია საქართველოს სახელმწიფო მუზეუმში დაცული გვ-ტოგრაფის შიხედვით, რომელსაც აქვე ვაქვეყნებთ.

პოემის პირველ ნაწილში ავტორი აგვიშერს ამ კუთხის წარმტაც ბუნებას და ღიღებათ ახასიათებს მის შცხოვრებთ. მეორე ნაწილი ისტორიული ხასიათისაა, შეეხება საქართველოს წარსულს.

აკაკი ესაუბრება რიონს, რომელიც მას მოუთხრობს ქართლის თავგადასავალს.

პოეტი დარწმუნებულია, რომ შავბნელი დრო სანეტარო მომავლით შეიცვლება.

მოგზაურობამ აღაფრთოვანა აკაკი. მან აქ იხილა გამოფხიზლებული ერი, რომელიც ერთი აზრითა და გრძნობით გამსჭვალულიყო. მწარე სინამდვილით უკმაყოფილო, მოძავალს იმედის თვალით შეჰქურებდა, ხვალინდედ თავისუფალ დღეს რომ ესალმებოდა. მგოსანმა იგრძნო მისი პოეზიის ძლიერი, შოამაგონებელი ძალაც.

აკაკისთან შეხვედრამ გამოავლინა ხალხის ერთ-სულოვანი მისწრაფება, ჩაუმჯრალი და გაღვივებული ეროვნული თვითშევნება, რომ ჭირნახული საქართველო ახალი, ბეღნიერი და ძლევამოსილი ეპოქის წინ იდგა.

რაჭა-ლეჩები

რაჭა-ლეჩეუმში ავედი,
მინდოდა მათი გაცნობა,
სანახაობამ მომხიბლა
და დაიმონა მთლად გრძნობა!

ღმერთო, რა ვნახე?! სასიზმრო
და საარაკო მხარეა:
თუ თვით ედემი არ არის,
ედემის შესადარია!..

ცას მიბჯენია მთა და ქლდე,
რაღაც თვალ-უწვდენელია!
ძირს ყვაფილებით ნაქარგი,
სუნნელი მთა და ველია!..

შიგ და შიგ მდინარეები,
მოიკლაკვნიან ველადა,
მოჩუქრიუხობენ ხმა-ტკბილად,
რიონში ჩასართველადა.

ყოველ ნაბიჯზე წყაროა,
მგზავრი რომ გაახაროსა,
და მწყურვალს მოაგონებენ
„უკვდავებისა წყაროსა.“

სხვადასხვა აბანოები,
გულუხვად დანათესია,
თუმც „მეავე-წყალი“ ცნობილი,
ჯერ, სხვებზე უკეთესია.

ჰაერსა სულის ჩამდგმელსა,
კეთილად შეზავებულსა,
ნელსაცხებელად მიუძღვნის,
დამაშვრალს სულსა და გულსა.

ნუ დაიჩემებს. ნურავინ
სხვა უკეთესსა მხარესა!
ვარსკვლავი ყველგან ბევრია,
მაგრამ ვერ სწვდება მთვარესა!!.

ვინც აქ შობოლა, გაზრდილა
მართლა რომ ბედნიერია!
კაცები თვალტანადები,
ქალები—მშვენიერია!

გაურჩეველად წოდების,
ხნოვანების და სქესისა
აქ ყველა ქართველებია,
მიმყოლი ძველი წესისა.

არ ჰყარგვენ, მამა-პაპებსა
რაც კარგი რამე ჰქონიათ;
არ ივიწყებენ, ძველებზე
რაც კარგი გაუგონიათ.

რაც მიუდგება მომავალს,
მას აფასებენ ღილადა,
და წარსულს, როგორც საფუძველს,
უდებენ გზად და ხილადა.

შეუპოვარი ხალხია,
მარჯვე; გულ-გაუტეხელი...
ნუ ჰყიქრობთ, უკუღმართობამ
რომ შეუშალოს მათ ხელი!

სალი კლდე, მთები მაღალი,
მათ გულში ჩასახულია,
და ქართველიბაც იმიტომ,
აქ უფრო შენახულია:

როგორც ფუტკარი სათაფლო
სიტკბოს დაეძებს სხვაგანა,
მოპკრეფს და უბრუნდება ბოყვს,
შინა აქვს თაფლის მანქანა,—

ისე ეს ხალხიც შინ შრომობს,
სცხოვრობს შეძლების-გვარადა,
თუ სხვაგან წავა სავაჭროდ
შრომის ოფლსა ჰლვრის ლვარადა.

და მოსაგები შემოაქვს
წმინდათ ახმარებს კერასა;
ნაუკულმართი არ უნდა
და მადლობს ბედის წერასა.

საეროს ერსა ახმარებს,
საღმრთოს კი იხდის ღვთისთვისა,
და გზა და ხიდი მით გაჰყავს
პირდაპირ მომავლისთვისა.

აი, რა ვნახე! რა ხალხი?
ბოლოს დროს მოხუცებულმა
და სხვაგვარ ააფრთოვანა
მგოსანიც სულმა და გულმა.

მე დაქანცული სიამით,
ჩამოველ სოფლის ძირადა
და ქარის ამოსალებად
მივდევ რიონის პირადა.

მდინარე გაგიშებული
იმღერდა სევდის ჰანგზედა;
შლეგივით მიიჩქაროდა,
ხტებოდა ქვიდან ქვაზედა.

— შესდეგ, მდინარევ, შევძახე,
რამ გაგამწარა, მეც მითხარ?
სიდან მოდიხარ გულფიცხად?
და ან საითკენ მიდიხარ?

თითქოს ფიქრს უზიარებდა
ჩემს მოუსვენარ აზრებსა,
„ნიკორწმინდის“ და „ბრავალძის“
შეპლალადებდა ტაძრებსა:

„მაღალი მთების შეილი ვარ,
კლდეებშა ჩამჭრეს განები;

შავი ჰლვისაკენ მივდივარ
დორბლის ყრით მივექანები.

უხსოვარ დროლან მოვდივარ,
როგორც რომ მათუსალაო;
ვილევი, მაგრამ არ შრება
ჩემი ლონე და ძალაო.

სწორედ, რომ ამირანი ვარ
კლდეებზე მიჯაჭვულიო;
სარკე ვარ საქართველოსი,
მისი სული და გულიო.

დღეს მექახიან „რიონსა“,
„ფაზისი“ მერქვა ძველადა;
ბევრი რამ თქმულა ჩემზედა,
მიხსენიებდა „ელლადა.“

მაშინ ეს ჩვენი ქვეყანა
„კოლხიდად“ იწოდებოდა:
მსოფლიოს სახელმწიფოებს
უტოლდებოდა, სწვდებოდა.

ლვთის გაჩენილი ქვეყანა
სხვა და სხვისია სამკვიდრო.

მსოფლიო კანონის ძალით
ვის შერჩენია ერთი დრო?..

ვინ არ შეჰქარის ბუნებას
მომხიბლავ-სანეტაროსა?
„ერთი წავა და სხვა მოვა
ტურფასა საბაღნაროსა“.

კოლხიდაც დროთა მსვლელობამ
მეტად არ გააზვიადა,
მოსპო რა მისი ხსენება,
გარდაჭმნა „ივერიადა“.

და „ივერიის“ სახელით
ის განაგრძობდა არსებას,
მოსაზღვრე ლიხის გადაღმა
არც წუნს იკლებდა, არც ჭებას!

ბოლოს კი ორივე მხარე
იწოდა „საქართველოდა“
და ხალხი, ჭირის ამტანი,
კეთილ მომავალს ელოდა.

ჩემი ყურით ვარ გამგონე,
და ჩემი თვალით მნახველი,

რომ ღირსეულად გაითქვა
ქართველმა მისი სახელი.

ყური დამიგდე, მოხუცო,
გეტყვი თავგადასავალსა,
თუ ვით იხდიდა ქართველი
ეროვნულ სესხსა და ვალსა.

3

იყო პატარა ქვეყანა
სიკეთე მიუწვდომელი,
და მისი ჟელში ჩაგდების
მთელი ქვეყანა მდომელი,

ასურეთ-ბაბილონია,
არაბისტანი, სპარსეთი,
სუკელა ემტერებოდა,
არა ჰელიკონი.

ემტერებოდენ ბერძნები,
ხელს არ ალებდა რომიცა
და ბევრიც გადაიხადა
მან საგულისხმო ომიცა.

გაკაცცოტავდა საბრალო
ხალხთა შორისი ზეარაკი,
მაგრამ კი საისტორიოდ
დარჩება როგორც არაკი.

ვით ამირანი შორსმჭვრეტი,
კავკასის ქედზე მიკრული,
ქორისგან ამონაწიწკნი,
რომ ჰქონდა ღვიძლი და გული.

ისიც, ბედისგან დევნილი,
ზედ ეკრა კავკასიასა
და მიწაც, სისხლით მორწყული,
აძლევდა ვარდს და იასა.

ამ პაწაწინა სამეფოს
უხმობდენ „ივერიადა“.
ხალხმა ქცეულმა ფოლადად
სახელი გაიღიადა.

როდესაც მაჰმადიანთა
აიღეს ქრისტეს საფლავი,
მლოცველს პირობა დაუდვეს
ძნელი და გულის საკლავი:

იერუსალიმში ქალაქში
ვერ შევიდოდა ვერავინ,
თუ ფეხის ქირას საბაჟოდ
არ გადიხდიდა წინდაწინ.

არ ეხებოდა ქართველს კი
ეს უცნაური პირობა,
მას პატივობდა ბაჟისგან
მისი წარსული გმირობა.

და მართლაც გმირი ყოფილა
ქართველი კაცი წარსულში,
მაგრამ დღეს სადღა გამოჩნდეს?
ჩაცვენილია უფსკრულში.

მაშინ კი იდგა საზღვარზე,
მტერს იგერებდა მარადა.
ცეცხლსა და მახვილს ხმარობდა,
ყველასთან ფარის გვარადა.

უმკლავდებოდა ერთი ათს,
იცავდა საკუთრებასა;
რჯულის და ქვეყნის დაცვაში
ხედავდა ნეტარებასა!

ქალშომრეობით ვერიავინ
ვერას აკლებდა... ვერასა!
და ვერ ანგრევდა ქართველის
მცირე და ლარიბ კერასა.

ჯერი რომ მიღვა თათრებზე,
და გაძლიერდა ისიცა,
შეუპოვრობა ქართველის
მან იუცხოვა... იტკიცა.

„როგორ თუ გამიმკლავდება
პატარა საქართველოო.
იმ სუსხით უნდა დავაჭინო
როგორც ზამთარში მდელოო.

თუ ვერას გავხდი მტრობითა,
მოყვრობით ვიგდებ ხელშიო
და მაშინ მე მოელ აზიას
ხელსაც წაუჭერ ყელშიო“.

ეს განიზრახა და კიდეც
საქმედ აქცია ყოველი.
და მოტყუებულ-შემცდარსა
გარს მოეხვია, ვით გველი.

ის, რაც პირობა დაუდვა,
არ აუსრულა არც ერთი:
გასტეხა ფიცი და მტკიცი
ალარ იწამა მან ღმერთი.

ხელში ჩაიგდო და ძველი
წესწყობილება დაშალა,
შემოიტანა თავისი
და მოაყოლა თან ძალა.

ქვეყნის გამყიდველს და ორგულს
უძღვნიდა „ქებათ-ქებასა“.
და ყოველ ბიჯზე სცდილობდა
მთელ ქვეყნის გათათრებასა.

და გათათრებას რა გვარად?
ენით და არა გულითა!
მაგრამ თუ ჭკუა არა სჭრის,
რა გაკეთდება ფულითა!

ვერც აისრულეს წადილი,
ხალხიც დალუპეს ტყვილადა
და შედარებით წარსული
დრო მოაჩვენეს ტკბილადა.

ჯერ ეკლესიას ეძგერენ,
სთქვეს „აქ მარხია ძალლიო!“
ჯერ ძირი გამოუთხარე,
თუ გსურს დაიქცეს სახლიო.

სანამდი სარწმუნოება
ქართველს ექნება ხელშიო
და არ მოკვდება ზნეობით,--
ხელს ვერ წაუჭერ ყელშიო.

ჯერ უნდა რჯული წავართვათ,
გავხადოთ უნამუსოთო
და მერე შევძლება ადვილათ
რომ კიდეც გავათათროთო.

ეს სთქვეს და კიდეც მაშინვე
შეუდგნენ გათათრებასა
და ქართველობის უარმყოფს.
არ ამადლიდენ ქებასა.

კათალიკოსის სანაცვლოდ
დაგვისვეს ყად-უფროსები,
ისინიც ისე გვდევნიდნენ,
ვით ბაყათრობას ოსები.

ქართული წირვა და ლოცვა,
ქართული სახარებაო
მართალი არის, რომ დღეს ხალხს
ესმის და ეყურებაო,

მაგრამ კიდევაც ის არის,
რომ აღარ მოგვწონს ჩენაო!
ლვთის სავედრებლად რას ვარგა
რალაცა... ძალლის ენაო?

არ სჯობს, რომ სულ გადარჯულდეს
ქართული ეკლესიაო?
და ვინც კი დაგვეხმარება,
ავნუსხოთ მათი სიაო!

და ამ განზრახვით გამართეს
მეჯლისი — სემინარია;
იმისმა მიმართულებაშ
ხალხი სულ არივ-დირია.

გარდა ქართული ენისა
იქ ასწავლიდენ ყოლიფერს
და ამზადებდენ სამღვდელოდ
ქვეყნის ორგულს და ქვეყნის მტერს.

შღვდლად აკურთხებდენ მისთანას,
ვინც არ იცოდა ქარიული
და მხოლოდ თათრულ ზღაპრების
კითხვაში იყვენ გართული.

ესეც რომ აღარ იკმარეს,
ჭირი დაურთეს ჭირზედა
და ვისაც სიტყვა შეეძლო
ხელს აფარებდენ პირზედა.

4

სასულიერო წოდებას
ძველ დროში ჰქონდა ქონება,
რომ მოეცალა საკუთრად
მრევლისთვის გრძნობა-გონება.

მრევლს არა სთხოვდა სასყიდელს,
რომ მით ცოლშვილი ერჩინა
და ეკლესია აძლევდა
რაც სჭირდებოდა მას შინა!

პირიქით თვით პატრიონობდენ
ქურივ-ობოლ-გაჭირვებულებს.

და მუშაობდენ მღვდლებივე
საეკლესიო მამულებს.

ქონების შეუხებლობა
განამტკიცებდა კავშირსა,
სცხოვრობდნენ მამა-შვილურად
იყოფდენ ლხინსა და ჭირსა,

და ეს დაუჯდა ჭკუაში
თათრობის მოტრფიალესა
და ეკლესიას ქონება
ხელიდან გააცალესა.

„ჩვენ ჩამოგართმევთ მამულებს,
ვიქწებით თქვენ მზრუნველადო!
არ მოხერხდება დღეს ის, რაც
ძველად გჭერიათ ხელადო!

მრევლს გაუკვირდა ეს საქმე;
რაღა მღვდლობაა მღვდლობაო,
თუ ხალხი უნდა გაგლიჯოს,
მღვდელმა დაიწყოს მგლობაო?!

ნუთუ ფეხს რამდენს გადადგამს,
სასყიდელს გთხოვდეს მღვდელიო?

მაშინ სჯობია რომ რჯულზედ
სულაც ავიღოთ ხელიო!..

ასტირდა იქით სოფელი
და აქეთ სამღვდელოება,
კისერჩე აწვათ ორივეს
ეს უკულმართი დროება...

გამოიტანეს, რაც იყო
საყდრებში სამკაულები
და სულ საჯაროდ გაჰყიდეს:
გვეჭირვებაო ფულები!..

დაუზოგავად გაძარცვეს
ყველგან მონასტრის ტაძრები
და იმ ნაძარცვით აავსეს
საუკულმართო ბაზრები.

ხალხმა სთქვა: „ეს რა ყოფილა?
ხატს არ ჰქონია ძალაო,
თორემ თავისი გაგლეჯა
სხვას როგორ დააცალაო?

ასე რომ სძარცვენ და გლეჯენ,
რატომ არ მოსდიოთ გულიო?

მოვტყუვდით, არა ჰქონიათ
თურმე მათ სასწაულიო!!.“

დღეს-ხვალიობით ცოტ-ცოტად
გადაუბრუნდა ხალხს გული:
აღარც ხატი სწამს, არც ჯვარი,
დაკარგული აქვს მას რჯული!

ჩვენთვის ერთია რა ენით
და როგორც უნდა სწირონო...
მშვიდობით, მაღლო და ძალა,
მშვიდობით, წმინდა მირონო!..

ასრულდა მტრების განზრახვა:
რჯულს გაჰყვა ქართველობაცა
და სათვალთმაქცოდ გადიქცა
დღეს დღეინდელი მღვდლობაცა.

5

სხვა სარბიელიც იმავ დროს
გულჭასმით თათრობანობდა,
მოლა-ყადების პროგრამას
ხმა ტკბილად მაღალ-ბანობდა.

სამასწავლებლო მზრუნველად
ნიშნავდენ იმისთანასა,
ვინც ქართველობას პირდაპირ
ყელზე აჭერდა დანასა.

ისიც მოძღვრებად პნიშნავდა
ქვეყნის მტერს, ქვეყნის ორგულსა,
მიტომ, რომ კუჭზე ფიქრობდენ
და ოცში იღებდენ ფულსა.

შკოლები მოსწავლეებსა
უსპობდენ დედა-ენასა,
ყურს არ უგდებდენ იმათი
მშობლების ცრემლთა დენასა.

ჭარსულს უგმობდენ თვისას კი
იხსენიებდენ ქებითა
და პპირდებოდენ მომავალს,
მხოლოდა გათათრებითა.

პედაგოგიურ სიმართლეს
არ დაეძებდენ არადა,
მოსწავლის გრძნობა-გონებას
არ აფასებდენ ფარადა.

ჰოლიციაც და სამსჯავროც
ორივეს ეთანხმებოდა
და ქართველობა ამითი
ჩვენში დღითი-დღე ხმებოდა.

მოსამართლებად ჰინიშნავდნენ
ვიღაცა ოხერ-ტიალსა,
ენის და ხალხის უმეცარს
მურვან-ყრუ გადამთიელსა.

მათ მოსპეს სამსჯავროებში
ქართულ ენაზე ბაასი
და თათრულისა არ მცოდნეს
ჭირი დაერთო ათასი.

უნდა ეშოვნა სხვა ვინმე
მოლაპარაკე თათრულად,
რომ მისი ჭირი, ვარამი
მას გადაეცა მთლად სრულად.

როგორც პირუტყვი, ერთი რამ
უბრალო ძალლი, გოშია,
იდგა უსიტყვოდ მსაჯულთან
ქართველი სამსჯავროშია.

იქ სრულდებოდა ფორმები,
სხვას რას დასდევდა მსაჯული?..
სულ ერთი იყო!.. ჩალა-ბზედ
მიაჩნდა ხალხი ტანჯული.

სულყოველ გვარსა სარბიელს
თათრობა ჰქონდა სახეში
და ამგვარ მოსაზრებითა
კიდეც გააბეს მახეში.

გაირყვნა ხალხი წნეობით,
დაეცა გრძნობა-გონება
და მიენიჭა ცოცხალ-მკვდარს
ხალხს პირუტყვული მონება.

ხმის ამომღები სად იყო.
ყველას აგლეჯდენ ენასა.
და ერს უფსკრულში ჩატარდნილს
უშლიდენ აღმა-ფრენასა.“

— : —

— კმარა, რიონო, რაცა სთქვი,
ეს ვის არ გაუგონია?
სუყველას შეგნებული აქვს,
შენ კი ახალი გგონია?..

მე კი სხვას გკითხავ და შენგან
პასუხსაც სხვაგვარს მოველი:
აწმყო და მომავლისათვის
დღეს რაღა არის ქართველი?

„რა მოგახსენოთ მაგისი...
ეგონებ, რომ არაფერია:
მხოლოდ აჩრდილი წარსულის
წინაპრის ფეხთა მტვერია!!

თუ წინაპრები სისხლს ღვრიდენ,
რომ ხელი ვერვინ გვახლოსა,
დღეს კი ქართველი ოფლსა ღვრის,
რომ სხვების ხელში გვნახოსა.

აღგილ-მამულის გაყიდვას
სცდილობენ ყველგან გულითა
და რაც ფარ-ხმალმა დაიცვა,
ის იკარგება ფულითა

მოზღვავებულან უცხონი,
თავისკენ გაჰყავთ მათ არხი
და მოკლე ხანში ქართველებს
აღარ ექნებათ სამარხი.“

ეს შემომბლავლა · რიონშა
გულსაკლავ სევდის ხმაზედა.
და ცივი. წყალი დამასხა
მხურვალე გულისთქმაზედა.

— არა, რიონო! ყოფილხარ
ყოველთვის ქვეყნის ერთგული
და აწმუობ გამრუდებულმა
ვით გაგიტეხა ეს გული?

რომ ჰეთიქრობ, მაგრე არ არის!
მიჰყევ სხვა მოსაზრებასა
და ჰნახავ მომავლისაგან
უმაღლეს ნეტარებასა.

ხანდახან ცეცხლი გაქრება
და გაცივდება ქერაცა,
გვინია სახლი იღუპვის
და მისი ბეღის წერაცა;

მაგრამ რომ გაჰქექ ცივ ნაცარს
და გამოუჩრეკ მას გულსა,

იქ ნახავ ობოლ ნაკვერცხალს
მიმალულს, მივიწყებულსა;

და იმ ნაკვერცხლით ხელ-ახლა
ააგუზებუზებ კერასა.
სახლი გათბება და ბნელიც
ნათელს ვერ აკლებს ვერასა.

ასეა ეროვნებაცა:
ზოგჯერ ის შელახულია,
მაგრამ სიცოცხლის ნიშანი
სადღაც კი შენახულია.

მოძებნა უნდა იმ ნიშანს
და ქვა-კუთხედად დადება:
ის აკვანია წარსულის,
მყობალი დაიბადება.

ჩვენი ხეც ეროვნებისა
დღეს ვხედავთ სჭირება და ხმება...
გრძნობას ჰგონია, მაგრამ კი
გონება არ ეთანხმება.

ხეს რა გაახმობს თუ მისი
ფესვები კიდევ ვარგია?

და ზეღაც მისი წარსული
უტყუვრად მონაქარგია.

— : —

რაჭა-ლეჩხეუმში მოვნახე
ის „ფესვი“ „ნაკვერცხალითა“
და წარმომიდგა მე ქერა
გაჩაღებული ალითა.

ის ალი ჰაფენდა ნათელსა
საერთოდ იმერ-ამიერ
და ერიც ხმა-შეტკბობილად
იმღერდა: „მრავალ-უამიერ.“

„მრავალ-უამიერ! უამიერ!“
დასძახა მღინარემაცა
და ხმა შეუწყვეს გიუმაუმა
მალალმა მთამ და კლდემაცა...

1912 წ.

М. АЛАВИДЗЕ
Путешествие
АКАКИЯ ЦЕРЕТЕЛИ
по Рача-Лечхуми
(На грузинском языке)

Изд-во „Сабчота Мцерали“
19 Тбилиси 47

* *

რედაქტორი: რ. გვეტაძე
ტექნიკური: შ. ლემეტრაძე

* *

ხელმოწერილი გასაბეჭდად 5/VIII—1947 წ.,
ნიგნის 80მა 4 $\frac{1}{2}$ Х6, სასტამბო ფორმათა
ჩაორენობა 6 ფ. 2 გვ., საავტორო ფორმათა
ჩაორენობა 2,6, ტირაჟი 4120
ნოვ. № 442 ფილ. № 10145

* *

გამ-ბა „საბჭოთა მწერალი“ს
სტამბა, თბილისი, პლაზანოვის, 181

3 - 9